



0432  
2797  
35-46



門口仁2  
號 2797  
卷55-46



春秋四傳卷之十四

僖公三

**五年** 襄王十有六年 齊桓四十二。晉惠七。衛文十六。蔡莊二。鄭文二十九。

曹共九。陳穆四。杞成十一。宋襄七。秦穆十六。楚成二十八。

春王正月戊申朔隕石于宋五 隕公作霽左傳隕星也公

○林氏曰六鷁遇迅風而退飛也

碩然視之則石察之則五穀梁傳先隕而後石何也隕而後石也于宋四境之內曰宋後數散辭也耳治也 是月六鷁退

飛過宋都 六鷁退飛過宋都風也周內史叔

與聘于宋宋襄公問焉曰是何祥也吉凶焉在對曰今茲魯多大喪明年齊有亂君將得

○集解云以一身所至高則以曾國為我而他國之災異非所論以萬世之法言則災異之見於當時而皆可戒於天下聖人篤近而舉遠豈以災異為外而不錄有失稽戒之意乎

諸侯而不終退而告人曰君失問是陰陽之事非吉凶所生也吉凶由人吾不敢逆君故也公羊傳是月者何僅遠是月也何以不日晦白也晦則何以不言晦春秋不書晦也朔有事則書晦雖有事不書曷為先言六而後言鷓六鷓退飛記見也視之則六察之則鷓徐而察之則退飛五右六鷓何以書記異也外異不書此何以書記異也梁傳是月者決不日而月也六鷓退飛過宋都先數聚辭也日治也子曰石無知之物微有知之物石無知故日之鷓微有知之物故月之君子之於物無所苟而已石鷓且猶盡其辭而況於人乎故五右六鷓之辭不設則王道不亢矣民所聚曰都

**胡傳**

隕石自空凝結而隕也退飛有氣逆在春秋時凡有國者察於物象之變亦審矣此宋異也何以書記于魯史亦見當時諸

○宋微子之後殷之餘也

○孟為地宋襄公會諸侯於此而楚人執之  
○泓水名宋伐鄭楚人救鄭故為所敗

國有非所當告而告者矣何以不削平聖人因災異以明天人感應之理而著之於經垂戒後世如石隕于宋而書曰隕石此天應之也和氣致祥乖氣致異人事感於下則天變應於上苟知其故恐懼脩省變可消矣宋襄公以忘國之餘欲圖伯業五石隕六鷓退飛不自省其德也後五年有孟之執又明年有泓之敗天之示人顯矣聖人所書之義明矣可不察哉

三月壬申公子季友卒

公羊傳其稱季友何賢也穀梁傳大夫曰

季正也稱公弟叔仲賢也大

**胡傳**

季者其字也友者其名也大夫卒而書名則曷為稱字聞諸師曰春秋時魯卿有生而賜氏者季友仲遂是也生而賜氏者何命之為世卿也季子忠賢在僖

○先生師事明道伊

○季友之後為季孫氏仲遂之後為仲孫氏

○曰季友卒曰仲遂卒之類也

○集解云尊同與諸侯敵休也記諸侯之卒葬別亦記內女之卒葬有服故也

○祖載謂移柩車去載處為行始也

○三國志魏明帝紀有此事

公有力翼戴之勤襄仲弒逆在宣公有援立之力此二君者不勝私情欲以異賞報之也故皆生而賜氏俾世其官經於其空各以氏書者誌變法亂紀之端貽權臣竊命之禍其垂戒遠矣

### 夏四月丙申郕季姬卒

**胡傳**內女嫁於諸侯則尊同尊同則記其卒記其卒則必記其葬然而有不記者此筆削之旨非可以例求者也宋伯姬在家為淑女既嫁為賢婦死於義而不同此行之超絕卓異者既書其葬又載其謚僖公鍾愛季姬使自擇配季姬不能自克以禮恃愛而行雖書其卒因奪其葬所以謹夫婦之道正人倫之統明王教之始也以此防民猶有嫁殤立廟舉朝素衣親臨祖載如魏明帝之厚其女者

**附錄**左傳夏齊伐厲不克救徐而還

秋七月甲子公孫茲卒穀梁傳大夫日卒正也

**附錄**左傳秋狄侵晉取狐厨受鐸涉汾及昆都因晉敗也○王以戎難告于齊

齊徵諸侯而伐周○冬十一月乙卯鄭殺于華

冬十有二月公會齊侯宋公陳侯衛侯鄭伯

許男邢侯曹伯于淮左傳十一月會于淮謀

病有夜登丘而呼曰齊有亂不果城而還穀梁傳兵車之會也

襄王十有七年齊桓四十三卒晉惠八衛

曹共十陳穆五杞成十二宋襄八秦穆十七楚成二十九

○林氏曰淮臨淮郡

○五兵車之會四

春齊人徐人伐英氏

左傳春齊人爲徐伐英氏以報婁林之役

附錄

左傳夏晉太子圍爲質於秦秦歸河東而妻之惠公之在梁也梁伯妻之梁嬴孕過期招父與其子卜之其子曰將生一男一女招曰然男爲人臣女爲人妾故名男曰圍女曰妾及子圍西質妾爲宦女焉

夏滅項

左傳師滅項淮之會公有諸侯之事未歸而取項齊人以爲討而止公

○公曰公猶在會而師滅項非公命也此失兵權之漸

羊傳孰滅之齊滅之曷爲不言齊滅之爲桓公諱也春秋爲賢者諱此滅人之國何賢爾君子之惡惡也疾始善善也樂終桓公嘗有繼絕存亡之功故君子爲之諱也穀梁傳孰滅之桓公也何以不言桓公也爲賢者諱也項國也不可滅而滅之乎桓公知項之可滅也而不知已之不可滅也既滅人之國矣何賢乎君子惡惡疾其始善善樂其終桓公嘗

有存亡繼絕之功故君子爲之諱

胡傳

按左氏淮之會公有諸侯之事未歸而取項齊人以爲討而止公然則滅

項者魯也二傳以爲桓公滅之孰信乎考於經未有書外滅而不言國者如齊師滅譚是也亦未有書內取而直言魯者如取鄭取邾取郕是也由此知項爲魯滅無疑矣然聖人於魯事有君臣之義凡大惡必隱避其辭而爲之諱今此滅項其惡大矣曷不諱乎曰事有隱諱臣子施之於君父者也故成公取鄭襄公取邾昭公取郕皆不言滅而書取程氏以爲在君則當諱是也若夫滅項則僖公在會季孫所爲耳執政之臣擅權爲惡而不與之諱此春秋尊君抑臣不爲朋黨比周之意也

秋夫人姜氏會齊侯于下

下皮彥反左傳秋聲姜以公故會齊

- 林氏曰內諱執故
- 齊師滅譚在莊公
- 成公取邾在其六年
- 襄公取郕在其十年
- 昭公取鄭在其十四年

○林氏曰公既見執  
上齊猶以會致者諱  
之  
○桓公卒齊亂明年  
孝公立

侯于九月公至自會左傳九月公至書曰至  
且謹○冬十有二月乙亥齊侯小白卒  
之也○冬十有二月乙亥齊侯小白卒  
之夫人三王姬徐嬴蔡姬皆無子齊侯好內  
多內寵內嬖如夫人者六人長衛姬生武子  
少衛姬生惠公鄭姬生孝公葛嬴生昭公密  
姬生懿公宋華子生公子雍公與管仲屬孝  
公於宋襄公以為太子雍亦有寵於衛共姬  
因寺人貂以薦羞於公亦有寵公許之立武  
孟管仲卒五公子皆求立冬十月乙亥齊桓  
公卒易牙入與寺人貂因內寵以殺羣吏而  
立公子無虧孝公奔宋十二月乙亥赴辛巳  
夜殯穀梁傳此不正其日之何也其不正前  
見矣其不正之前見何也以  
不正入虛國故稱媼焉耳

○襄王十有八年宋襄九齊孝公昭元年晉  
十年惠九衛文十八蔡莊四鄭

文三十一。曹共十一。陳穆六。杞  
成十三。秦穆十八。楚成二十。

春王正月宋公曹伯衛人邾人伐齊宋公下

字左傳宋襄公以諸侯伐齊三月

附錄左傳鄭伯始朝于楚楚子賜之金既

鐘

夏師救齊救齊也五月戊寅宋師及齊師

戰于靡齊師敗績左傳齊人將立孝公不勝

夏五月宋敗齊師于靡立孝公而還公羊傳  
戰不言伐此其言伐何宋公與伐而不與戰  
故言伐春秋伐者為客受伐者為主曷為不  
使齊王之與襄公之征齊也曷為與襄公之

○林氏曰觀齊地言  
參獻三書

○林氏曰救四公子之徒

○林氏曰理直為強壯理曲為養老

○國語周語云魯武公以括與戲見王王立戲仲山甫諫曰不可王卒立之武公卒魯人殺懿公而立伯御宣主伐魯立孝公諸侯從是不睦

征齊桓公死豎力易牙爭權不葬為是故伐之也

秋救齊穀梁傳善

**胡傳**

伐齊之喪奉少奪長其罪大故其責者惡矣凡書救者未有不善之也書狄救齊者詐狄也詐夷狄則罪諸夏矣詐之曷為不稱人深著中國諸侯之罪也凡伐者為客受伐者為主今齊人受伐以宋為主者曲在宋也凡師直為壯曲為老書齊師敗績者責齊臣也或曰桓公管仲嘗屬孝公於宋襄公以為世子矣則何以不可立乎曰不能制命雖天王欲撫鄭伯以從楚春秋猶以大義裁之而不與也桓公君臣乃欲以私愛亂長幼之節其可哉獨不見宣主與仲山甫爭魯侯戲括之事其後如之何也春秋深罪宋公大義明矣

秋八月丁亥葬齊桓公

**胡傳**

桓公九合諸侯不以兵車威令加乎四海幾於改物雖各方伯實行天子之事然而不能慎終如始付託非人桓方在殯四鄰謀動其國家而莫之恤至於九月而後葬以此見功利之在人淺矣春秋明道正義不急近功不規小利於齊桓晉文之事有所取而無過褒以此

冬邢人狄人伐衛

狄始書人左傳冬邢人狄人伐衛圍蒺園衛侯以國讓其父兄子弟及朝衆曰苟能治之燬請從焉衆不可而後師於訾婁狄師還穀梁傳狄其稱人何也善累而後進之伐衛所以救齊也功近而德遠矣

**胡傳**

狄稱人進之也慕義而來進之可也

○集解云蓋衣裳之會見蔡注下

○十七年十二月殯明年正月宋曹衛制伐齊

○集解云衛伐齊為不義故狄伐衛為慕義

○在閔公二年

○太甚耶孟子已甚之意

○禮記表記孔子曰以德報怨則民有所勸以怨報怨則民有所懲又曰以德報怨寬身之仁也以怨報德刑戮之民也  
○范氏曰伐衛功近耳夷狄而憂中國其德遠也

春

三十一。曹共十二。陳穆七。杞成十四。秦穆十九。楚成三十一。

**附錄**

救齊也。衛嘗亡滅。東徙渡河。無所控告。齊桓公攘戎狄而封之。使衛國忘亡。誰之賜也。桓公方沒。不念舊德。欲厚報之。遽伐其喪。亦太甚矣。以直報怨。聖人之公也。以怨報怨。天下之私也。以德報怨。寬身之仁也。以怨報德。刑戮之民也。至是人理亡矣。桓公攘夷狄。安中國。免民於左衽。諸侯不念其賜。而於衛為尤先。書狄救齊。以著中國諸侯之罪。再書狄人伐衛。所以見救齊之善功近。而德遠矣。

襄王十有九年

宋襄十。齊孝二。晉惠十。衛文十九。蔡莊五。鄭文

**附錄**

左傳春遂城而居之

王三月宋人執滕子嬰齊

左傳宋人執滕宣公

**胡傳**

執之是非決於稱人與稱爵而見執者則以名與不名知其罪之在也。經書見執於人者悉皆不名。而滕子獨名。是亦有罪焉。爾夫以齊桓之盛。允合諸侯。不以兵車。雖江黃遠國。猶相繼來盟。而滕介齊宋之間。不與衣裳之會者。二十有七年。及宋襄繼起。又不尊事大國。其見執則有由矣。書名者其罪也。苟為有罪。其見執固宜。宋何以稱人。不得為伯討乎。執雖以罪。而執非其罪。則稱人惡其濫也。

夏六月宋公曹人邾人盟于曹南

公作鄒子

○林氏曰宋襄公圖  
○事解云執之是則  
○滕子有罪故書名  
○伯師子之類雖見  
○如晉人執衛侯歸  
之于京師之類



○林氏曰不及曹南之禮方會之於莊

○林氏曰鄭雖失太畜不相為用小事不用大牲而况敢用人乎

○林氏曰諸夏盟國

○兵敗身傷謂二十二年湯之戰身傷謂傷股也  
○漢景削七國而吳楚叛在前漢書景錯傳  
○東都疾橫議而黨銅與在後漢書黨銅傳

○唐文宗切於除姦而訓註用在唐書文宗紀李訓鄭註

○論語子路篇有之

會盟于邾

公羊傳其言會盟何後會也

已酉邾人執鄆子

用之

左傳夏宋公使邾文公用鄆子于次睢

之杜欲以屬東夷司馬子魚曰古者六齊桓公存三亡國以屬諸侯義士猶曰薄德今一會而虐一國之君又用諸淫昏之鬼將以求霸不亦難乎得死為幸公羊傳惡乎用之用之社也共用之社奈何蓋叩其鼻以血社也穀梁傳微國之君因邾以求與之盟人因已以求與之盟已迎而執之惡之故謹而日之也用之者叩其鼻以血社也

秋宋人圍曹

左傳註不服

宋公曰文王聞崇德亂而伐之軍三旬而不降退脩教而復伐之因壘而降詩曰刑于寡妻至于兄弟以御于家邾今君德無乃猶有所闕而以伐人若之何盍姑內省德乎無闕

胡傳

盟于曹南口血未乾今復圍曹者討

反其智襄公不能內自省德而急於合諸侯執嬰齊非伯討不足以示威盟曹南非同志不足以示信卒於兵敗身傷不知反求諸已欲速見不利之過也漢景削七國而吳楚叛東都疾橫議而黨銅與唐文宗切於除姦而訓註用故子夏為苦父宰問政子曰無欲速無見小利欲速則不達見小利則大事不成經書襄公不越數端而知其操心之若此者仲尼筆削推見至隱如化土賦像并其情不得遜焉非特畫筆之肖其形耳故春秋者化土也非畫筆也

衛人伐邢

左傳秋衛人伐邢以報菟圃之役於是衛大旱有事於山川不吉

春秋卷十四

○林氏曰楚始與夏  
盟書法如盟幽翟泉  
謹始也

○左傳云鄭伯始朝  
于楚楚子賜之金既  
而悔之與之盟曰無  
以鑄兵故以鑄三鐘

○何氏曰因宋征齊  
有隙為此盟也是後  
楚遂得中國翟之會  
執宋公

○陳哲曰罪其朝楚故不使加於楚上

○梁伯益之  
後秦許有功周平王  
執其子于康於夏陽  
是為梁伯左氏亦云  
梁伯而云侯國者未  
詳

稱莊子曰昔周幾克殷而年豐今邢方無道  
諸侯無伯天其或者欲使衛討邢乎從之師  
與而○冬會陳人蔡人楚人鄭人盟于齊  
公會齊始與齊盟左傳陳穆公請脩好於諸  
侯以無忘齊桓之德冬  
盟于齊脩桓公之好也

**胡傳**

盟會皆君之禮也微者盟會不志于  
春秋凡所志者必有君與貴大夫居  
其間也然則為此盟者乃公與陳蔡楚鄭  
之君或其大夫矣曷為內則沒公外則人  
諸侯與其大夫諱是盟也楚人之得與中  
國會盟自此始也莊公十年荆敗蔡師始  
見于經其後入蔡伐鄭皆以號舉春秋之  
也僖公元年改而稱楚經亦書人於是平  
浸強矣然終桓公世皆止書人而不得與  
中國盟會者以齊脩伯業能制其強故也  
桓公既沒中國無伯鄭伯首朝于楚其後

遂為此盟故春秋沒公人陳蔡諸侯而以  
鄭列其下蓋深罪之也又二年復盟于鹿  
上至會于孟遂執宋公以伐宋而楚於是  
乎大張列位於陳蔡之上而書爵矣聖人  
書此豈與之乎所以著夷狄之強傷中國  
之衰莫能抗也故深諱此盟一以外夷狄  
二以惡諸侯之失道  
三以謹盟會之始也

梁亡左傳梁亡不書其生自取之也初梁伯  
好土功城而弗處民罷而弗堪則曰  
焉寇將至乃溝公宮曰秦將襲我民懼而潰  
秦遂取梁公羊傳此未有伐者其言梁亡何  
自亡也其自亡奈何魚爛而亡也穀梁傳自  
亡也酒於酒淫於色心昏耳自塞上無正長  
之治大臣背叛民為寇盜梁亡自亡也如加  
力役焉酒不足道也梁亡鄭棄其師我無加  
損焉正名而已矣梁亡出惡  
正也鄭棄其師惡其長也

○子產曰君子有四時蓋一日而分為四時而各為其事如此也 見國語晉語

○禹湯文王之事見書益稷湯誥伊訓無逆等篇

**胡傳** 陸淳曰秦肆其暴取人之國沒而不滅人之國罪易知也自取亡滅者其事微矣春秋之作聖人所以明微也梁本侯國魚爛而亡何哉易曰天行健君子以自強不息古者諸侯朝脩其禁令晝考其國職夕省其典刑夜儆其百工無使惰滿而後即安故克勤于邦荒度土功者禹也慄慄危懼檢身若不及者湯也自朝至于日中具不遑暇食用咸和萬民者文王也凡有國家者土地雖廣人民雖衆兵甲雖多城郭雖固而不能自強於政治則日危月削如火消膏以至滅亡而莫覺也而况奸士功輕民力通於酒淫於色心昏而出惡政者乎其亡可立而待矣

**辛** 襄王二十年 宋襄十一 齊孝三 晉惠十 衛文二十 蔡莊六 鄭文

三十三。曹共十三。陳穆八。杞成十五。秦穆二十。楚成三十二。

**春新作南門** 左傳書不時也。凡啓塞從時公

常也。穀梁傳作為也。有加以其度也。言新有故也。非作也。南門者法門也。

**胡傳** 言新者有故也。言作者創始也。其曰南門者南非一門也。庫門天子臯門

雉門天子應門書新作南門。譏用民力於所不當為也。魯人為長府。閔子騫曰。仍舊貫如之何。何必改作。孔子曰。夫人不言言必中。春秋凡用民力得其時制者猶書于策以見勞。民為重事而况輕用於所不當為者乎。然僖公嘗脩泮宮復闕宮矣。奚斯董其役。史克頌其事。而經不書者。官廟以事其祖考。學校以教國之子弟。一者為國之先務。雖用民力不可廢也。其垂教之意深矣。

○林氏曰魯城南遷門也

○杜氏曰言新以易舊三祿以興事皆更造之文也

○禮記明堂位云本廟天子明堂庫門天子臯門雉門天子應門

○詩魯頌泮水篇序曰僖公能脩泮宮也 闕官篇序曰僖公能復周公之宇也 奚斯

○林氏曰邾姬姓國

○西宮公別宮也

○林氏曰滑姬姓國

夏郟子來朝公羊傳郟子者何失地之君也何以不名兄弟辭也 ○五

月乙巳西宮災公羊傳西宮者何小寢也小寢則曷為謂之西宮有西宮則有東宮矣魯子曰以有西宮亦知諸侯之有新宮則近為備宮以謚言之則如疏之然以是為閔宮也 ○鄭人入滑

左傳滑人叛鄭而服於衛夏鄭公子士洩者寇帥師入滑 ○秋齊人狄人盟于邢左傳齊狄盟于邢為邢謀衛難也於小其為主何也 ○冬楚人伐隨左傳隨以漢其為主乎救齊

冬楚鬬穀於蕘帥師伐隨取成而還君子曰隨之見伐不量力也量力而動其過鮮矣善敗由已而由人乎哉詩曰豈不夙夜謂行多露穀梁傳隨國也

附錄 左傳宋襄公欲合諸侯滅文仲聞之曰以欲從人則可以人從欲鮮濟

壬襄王二十有一年宋襄十二齊孝四晉惠十二衛文二十二

蔡莊七鄭文三十四曹共十四陳穆九杞成十六秦穆二十一楚成三十三

春狄侵衛 ○宋人齊人楚人盟于鹿上左傳人為鹿上之盟以求諸侯於楚楚許之公

子目夷曰小國爭盟禍也宋其亡乎幸而後 ○夏大旱左傳公欲焚巫庭滅文仲非勸分此其務也巫庭何為天欲殺之則如勿生若能為旱焚之滋甚公從之是歲也饑而不害公羊傳何以書記 ○秋宋公楚子陳侯

蔡侯鄭伯許男曹伯會于孟孟孟公作霍穀作或為宇楚始

也穀梁傳旱時正也

也

也

也

也

也

也

也

也

也

也

也

○蘇氏曰不言楚執宋公所以夷狄執中國之詞也

○集解云猶非楚子獨執與諸侯共執之意

○此所以分諸侯之意也

○蕭相如事見史記

○曹子日自反而不縮雖謂寬博吾不憚焉

稱子執宋公以伐宋左傳秋諸侯會宋公于孟已甚其何以堪之於是楚執宋公以伐宋公羊傳執之楚子執之曷為不言楚子執之不與夷狄之執中國也穀梁傳以重辭也

**胡傳** 執宋公者楚子也何以不言楚子執夷執其會主拱手以聽而莫之敢違其不勇於為義亦甚矣故特列楚子於陳蔡之上而以同執為文夫以楚之強豈能勝秦五國之眾何弱於趙然澠池之會蘭相如一奮其氣威信敵國秦雖虎狼猶不敢動況以五國之君而不能得志於荆楚乎宋以乘車之會往而楚伏兵車以執之則宋直楚曲其義已明雖以匹夫自反而縮猶不可耻矧南面之君也哉然春秋為賢者諱宋公見執不少隱之何也夫盟主者所

○蘇氏曰楚大夫始見經

○集解云楚來獻宋捷蓋以兵威懼魯會聖人諱之使若不知宋之敗楚之強而魯甚王者受之焉此聖

以合天下之諸侯攘我狄尊王室者也宋公欲繼齊桓之列而與楚盟會豈攘我狄尊王室之義乎故人宋公於鹿上之盟而孟之會道書其事而不隱所以深貶之也  
**冬公伐邾** 左傳任宿須句顓臾風姓也實司人滅須句須句奔因成風為之於公曰崇明祀保小寡周禮也蠻夷獫狁周禍也若封須句是崇  
**捷** 公羊傳此楚子也其稱人何貶為貶為執宋公賤曷為為執宋公賤宋公與楚子期以乘車之會公曰夷諫曰楚夷國也強而無義請君以兵車之會往宋公曰不可吾與之約以乘車之會自我為之自我墮之曰不可終以乘車之會往楚人果伏兵車執宋公以伐宋宋公謂公曰夷曰子歸守國矣國子之國也吾不從子之言以至乎此公子

○楚人使宜申來獻

人之心也。二傳無此義，所以超出其上也。

○書微子之命曰：修其禮物，侑實王家，蓋用以命微子之詞也。

○微子商之後，周武王討之於宋，以奉湯祀。

○集解云：壇，即論語所謂及壇者，蓋兩君相會，獻酬飲畢，而反爵於其上，若楚執宋公，壇也，則會禮未成也。

曰夷復曰君雖不言國，國固臣之國也。於是歸設守械而守國，楚人謂宋人曰：子不與我，國吾將殺子。君矣。宋人應之曰：吾賴社稷之神靈，吾國已有君矣。楚人知雖殺宋公，猶不得宋國，於是釋宋公。宋公釋乎執走之，衛公于目夷復曰：國為君守之，君曷為不言捷乎？宋逆襄公歸惡乎捷，捷乎宋曷為不言捷乎？宋為襄公諱也。此圍辭也。曷為不言捷乎？宋子目夷諱也。穀梁傳：捷，軍得也。其不曰宋捷，何也？不與楚捷於宋也。

**胡傳**

不曰宋捷，何也？不與楚捷於宋也。魯為魯計者，拒其使而不受，可也。請於天王而討之，可也。宋公先代之後，作實王家，方條盟會，而伏兵車執之於壇坫之上。又以軍獲遺獻諸侯，其橫逆甚矣。拒其使而不受，聲其罪而致討，不患無詞。魯於是時曾不能申六義，以攘荆楚，尊中國，故不曰

宋捷，特為魯諱之也。

十有二月癸丑公會諸侯盟于薄，釋宋公。

○何氏曰：善，傳公能與楚議，釋晉者之厄，不言公秋之者，諸侯亦有功也。

○會于薄，在桓公二十三年。

○會于澶淵，在襄公三十三年。

冬會于薄，以釋之。子魚曰：禍猶未也。未足以懲君。公羊傳：執，未有言釋之者。此其言釋之何也？公與為爾也。公與為爾，奈何？公與議爾也。穀梁傳：會者外為主，馬爾外釋不志，此其志何也？以公之與之盟，日之也。不言楚，不與楚專釋也。

**胡傳**

會不書其所為，獨會于澶淵，言者為受部，鼎立華督也。會于澶淵，言宋災故者，為葬蔡侯，不討般也。盟不書所為，而盟于薄，言釋宋公者，宋方主會，而蠻夷執而伐之，以其俘獲來遺，是夷狄反為中國主，禽獸將逼人而食之矣。此正天下太變，春秋之所謹也。魯既不能申大義，以抑其強暴，使宋公見釋，出自天王與中國。

○已上言盟不書所為而所書者以此

○林氏曰春秋嚴義利之辨苟以為利一以取書之是故雖郊滅須句須句卒來奔伐邾取須句及其君焉書取須句雖莒著在公立而不撫鄆鄆叛而來書取鄆

而顧與軟血要言求楚子以釋之是操縱大權自蠻夷出其事已備甚矣故書會書盟書釋皆不言楚子為魯諱以深貶之也穀梁謂不與楚專釋是已或以為嘉我公之救患誤矣

癸未襄三十二年二十有二年宋襄十三齊孝五晉惠十三衛文二十二

蔡莊八鄭文三十五曹共十五陳穆十祀成十七秦穆二十二楚成三十四

春公伐邾取須句邾取須句及其君焉禮也

**胡傳**按左氏須句風姓實司太皞與有濟也公伐邾取須句而反其君焉審如是固得崇明祀保小寡之禮何以書取乎不請於王命而專為母家報怨謀動干戈於邦內擅取人國而反其君是以亂易亂非所

○左傳云伯須句顯也風姓也實司太皞與有濟之祀以服事諸夏邾人滅須句須句卒來奔因成風也成風為之言於公曰崇明祀保小寡周禮也查夷猶夏周禍也若封須句是崇醇濟而脩祀紆禍也故公伐邾取須句而反其君焉禮也

以為禮也與收奪者無以異矣

夏宋公衛侯許男滕子伐鄭左傳三月鄭伯如楚夏宋公伐

鄭子魚曰所謂禍在此矣

**附錄**左傳初平王之東遷也辛有適伊川見被髮而祭於野者曰不及百年此其戎乎其禮先亡矣秋秦晉遷陸渾之戎于伊川晉太子圉為質於秦將逃歸謂

秦子之欲歸不亦宜乎寡君之使婢子侍執巾櫛以固子也從子而歸棄君命也不敢從亦不敢言遂逃歸富辰言于王曰請君之不協焉能然諸侯之不睦王說王子帶自齊復歸于京師王召之也

○集解云以邪為弱  
小而設戰守之備

秋八月丁未及邾人戰于升陘

陘音刑左傳邾人以須句

故出師公里邾不設備而禦之臧文仲曰國無小不可易也無備雖眾不可恃也詩曰戰戰兢兢如臨深淵如履薄冰又曰敬之敬之天惟顯思命不易哉先王之明德猶無不難也無不懼也况我小國乎君其無謂邾小也

**胡傳**

邾人以須句故出師公里邾不設備戰于升陘我師敗績邾人獲公胄駘諸魚門記稱邾婁復之以矢蓋自戰于升陘始也魯既敗績邾亦幾亡輕用師徒定及兩國亦異於誅暴禁亂之六矣故諱不言公而書及內以諱為敗

○善明邾城門名

○禮記檀弓篇註陳氏曰邾師雖勝而死傷者多軍中無衣故復者用突邾人唯報聲

○林氏曰宋伐鄭楚救之故戰敗宋

冬十有一月己巳朔宋公及楚人戰于泓宋

師敗績左傳楚人伐宋以救鄭宋公將戰木之弗可救也已弗聽冬十一月己巳朔宋公及楚人戰于泓宋人既成列楚人未既濟司馬曰彼衆我寡及其未既濟也請擊之公曰不可既濟而未成列又以告公曰未可既陳而後擊之宋師敗績公傷股門官鉞焉國人皆外曰公曰君子不重傷不禽二毛古之為軍也。不以阻隘也。寡人雖亡國之餘。不鼓不成列。子魚曰。君未知戰。勅敵之人。隘而不列。天贊我也。阻而鼓之。不亦可乎。猶有懼焉。且今之就者。皆吾敵也。雖及。胡者。獲則取之。何有於二毛。明取教戰。求殺敵也。傷未及死。如何勿重。若愛重傷。則如勿傷。愛其二毛。則如服焉。三軍以利用也。金鼓以聲氣也。利而用之。阻隘可也。聲盛致志。鼓儻可也。公羊傳偏



○何氏曰軍法以鼓  
戰以金止不鼓不成  
戰未成陳也君子不  
有以文主伐崇陸戰  
當襲地舉未者大其  
不以承厄入也

戰者日爾此其言朔何春秋辭繁而不殺者  
正也何正爾宋公與楚人期戰于泓之陽楚  
人濟泓而來有司復曰請迨其未畢濟而擊  
之宋公曰不可吾聞之也君子不厄人吾雖  
喪國之餘寡人不忍行也既濟未畢陳有司  
復曰請迨其未畢陳而擊之宋公曰不可吾  
聞之也君子不鼓不成列已陳然後襄公鼓  
之宋師大敗故君子大其不鼓不成列臨大  
事而不忘大禮有君而無臣以為雖文王之  
戰亦不過此也穀梁傳曰事遇朔曰朔春秋  
三十有四戰未有以尊敗乎卑以師敗乎人  
者也以尊敗乎卑以師敗乎人則驕其敵襄  
公以師敗乎人而不驕其敵何也責之也泓  
之戰以為復雞之恥也雞之恥宋襄公有以  
自取之伐齊之喪執滕子圍曹為雞之會不  
顧其力之不足而致楚成王怒而執之  
故曰禮入而不答則反其敬愛人而不親則  
反其仁治人而不治則反其知過而不改又

○陳哲曰宋公之敗  
公羊深取其用師之  
義而不計其敗而穀  
梁則深非其守信失  
勢蒙恥於夷狄夫不  
重傷不禽一毛雖近  
於仁義而所行者皆  
不仁非義之事非重  
傷二毛既險戰不成  
列者之可過也故此  
主穀梁之義云

之是謂之過襄公之謂也古者被甲嬰冑非  
以與國也則以征無道也豈曰以報其恥哉  
宋公與楚人戰于泓水之上司馬子及曰楚  
衆我少鼓險而擊之勝無幸焉襄公曰君子  
不推人危不攻人厄須其出旌亂於上  
陳亂於下子及曰楚衆我少擊之勝無幸焉  
襄公曰不鼓不成列須其成列而後擊之則  
衆敗而身傷焉七月而死倍則攻敵則戰少  
則守人之所以為人者言也人而不能言何  
以為人言之所以為人者言也信也言而不信何  
以為言信之所以為信者道也信而不  
道何以為道道之貴者時其行勢也

**胡傳**泓之戰宋襄公不厄人於險不鼓不  
戰不能過也而春秋不與何哉物有本末  
事有終始順事恕施者王政之本也襄公  
伐齊之喪奉少奪長使齊人有殺無虧之  
惡有敗績之傷此晉獻公之所以亂其國

○先上事俱在十九年

○莊子胠篋篇云路之徒問於路曰盜亦有道乎路曰何適而無有道耶妄意室中之藏聖也入先勇也出後義也知可否知也分均仁也

○盜路嘗人本姓柳以其為盜故曰盜路  
○陳仲子見孟子滕文公篇

者罪一也桓公存三亡國以屬諸侯義士猶曰薄德而一會虐二國之君罪二也曹人不服盍姑省德無闕然後動而興師圍之罪三也凡此三者不仁非義襄公敢行而獨愛重傷與一毛則亦何異盜路之以分均出後為仁義陳仲子以避兄離母居於陵為庶乎夫計未遺本飾小名妨大德者春秋之所惡也故詞繁不殺而宋公書及以深貶之也

**附錄**

左傳丙子晨鄭文夫人辛氏姜氏勞君于日非禮也婦人送迎不出門見兄弟不踰閭戎事不遜女器下丑楚子入饗于鄭九獻庭實旅百加籩豆六品饗畢夜出文辛送于軍取鄭二姬以歸叔詹曰楚王其不没乎為禮卒於無別無別不可謂禮將何以沒諸侯是以知其不遂伯也

**甲**

襄王十二年二十有三年 宋襄十四卒齊孝六

三。蔡莊九。鄭文三十六。曹共十六。陳穆十一。杞成十八。卒。秦穆二十二。楚成三十五。

**春齊侯伐宋圍緡**

緡傳以討其不與盟于齊也

公羊傳邑不言圍此其言圍何疾重故也穀梁傳伐國不言圍邑此其言圍何也不止其以惡報惡也

**胡傳**

齊霸國之餘業也宋襄公既敗於泓攘夷狄恤災患畏簡書之意又乘其約而伐之此尤義之所不得為者也故書伐國而言圍邑以著其罪然則桓公伐鄭圍新城何以不為貶乎鄭與楚合憑陵中國桓公伐之攘夷狄也宋與楚戰兵敗身傷齊侯伐之殘中夏也其事異矣美惡不嫌同

○齊霸國之餘業見史記樂毅傳

○何氏曰襄公欲行霸事正履信為楚所敗諸夏之君宜雜然助之反因其困而伐之故言圍以惡其不

○林氏曰緡宋邑

仁也

○林氏曰襄公卒，呼成公王臣立。

詞

夏五月庚寅宋公茲父卒

茲公作茲左傳夏五月宋襄公卒傷

於泓故也。公羊傳何以不書葬盈平諱也。穀梁傳茲父之不葬，祠也。失民也。其失民何也。以其不教民戰，則是棄其師也。為君哉。○秋楚人伐陳，宋也。遂取焦夷城，頓而還。子文以為為之。功使為令尹。叔伯曰：子若國何。對曰：吾以為靖國也。夫有大功而無貴仕，其人能靖者與有幾。

附錄

左傳九月晉惠公卒，懷公命無從亡。人期期而不至，無救。狐突之子毛及偃從，踵耳在秦，弗召。父懷公執狐突曰：子來則免。對曰：子之能仕，父教之忠，古之制也。策名委質，貳乃辟也。今臣之子名在重耳，有年數矣。若又召之，教之貳也。父教子貳，何以事君。刑之不濫，君之明也。臣之願也。淫刑以逞，誰則無罪。臣聞命矣。乃殺之。卜偃稱疾不出。曰：周書有之，乃大明服。已則不明而殺人，以逞不亦難乎。民不見德而惟戮，是聞其何後之有。

冬十有一月杞子卒

左傳杞成公卒，書曰：子

也。凡諸侯同盟死，則赴以名，禮也。赴以名，則亦書之。不然則否。辟不敏也。

胡傳

按左氏杞成公卒，書曰：子杞夷也。杜預以謂杞實稱伯而書曰：子者，成公始行夷禮，終其身故仲尼於其卒以文貶之。此說是也。或曰：信斯言是春秋黜陟諸侯爵次，以見褒貶，不亂名實乎。曰：春秋固天子之事也，而尤謹於華夷之辨，中國之

○林氏曰杞成公始行夷禮以終其身，故書曰：子貶之也。愚謂此正韓子所謂中國而夷狄則狄之意。○集解云王者之後稱公杞夏之後云實侯爵未詳莊二十七年始稱伯。

○以其黨桓公祿逆  
之人故因其來朝而  
并治其罪在桓公二  
年

○集解云中國之與  
夷狄血氣者欲一也  
苟無禮義以辨則夷  
夏豈其相遠故中國  
必以禮義為防所以  
為中國而夷狄未嘗  
有也以中國舍禮義  
則自決其防與夷狄  
等不可不鑒哉

○孟子曰聞用夏變  
夷未聞變於夷者杞  
成公以中國而用夷  
禮亦為不善變矣故  
聖人不與其變而貶

所以為中國以禮義也。一失則為夷狄。再  
失則為禽獸。人類滅矣。魯桓慕弒滕首朝  
之貶。而稱子治其黨也。夷不亂華。  
成公變之貶。而稱子存諸夏也。

**附錄**

左傳晉公子重耳之及於難也。晉人  
伐諸蒲城。蒲城人欲戰。重耳不可。曰。  
保君父之命。而享其生祿。於是乎得人。有  
入而校罪。莫大焉。吾其奔也。遂奔狄。從者  
狐偃。趙衰。顛頡。魏武子。司空季子。狄人伐  
齊。魯如。獲其二女。叔隗。季隗。納諸公子。公  
子取季隗。生伯儵。叔劉。以叔隗妻趙衰。生  
盾。將適齊。謂季隗曰。待我二十五年。不來  
而後嫁。對曰。我二十五年矣。又如是而嫁。  
則就木焉。請待子。處狄十一年。而行過衛。  
衛文公不禮焉。出於五鹿。乞食於野人。野  
人與之塊。公子怒。欲鞭之。子犯曰。天賜也。  
稽首受。而載之。及齊。齊桓公妻之。有馬十  
十乘。公子安之。從者以為不可。將行。謀於

桑下。蠶妾在其上。以告姜氏。姜氏殺之。而  
謂公子曰。子有四方之志。其聞之者吾殺  
之矣。公子曰。無之。姜曰。行也。懷與安。實敗  
名。公子不可。姜與子犯謀。醉而遺之。醒以  
絺。逐子犯。及曹。曹共公聞其駢脅。欲觀其  
裸。浴薄而觀之。僖負羈之妻曰。吾觀晉公  
子之從者。皆足以相國。若以相。夫子必反  
其國。及其國。必得志於諸侯。得志於諸侯。  
而誅無禮。曹其首也。子盍蚤自貳焉。乃饋  
盤飧。實璧焉。公子受飧。反璧。及宋。宋襄公  
贈之以馬二十乘。及鄭。鄭文公亦不禮焉。  
叔詹諫曰。臣聞天之所啓。人弗及也。晉公  
子有焉。焉。夫其或者將建諸君。其禮焉。男  
女同姓。其生不蕃。晉公子姬出也。而至干  
今也。離外之患。而天不靖晉國。始將啓  
之二也。有三士。足以尚人。而從之。三也。晉  
鄭同濟。其過子。弟固將禮焉。况天之所啓。  
平弗聽。及楚。楚子饗之。曰。公子若反晉國。

之使為諸夏之鑒不  
獲之得變也

則何以報不穀對曰子女託帛則君有之  
羽毛齒革則君地生焉其波及晉國者君  
之餘也其何以報君曰雖然何以報我對  
曰若以君之靈得反晉國晉楚治兵遇於  
中原其群君三舍若不獲命其左執鞭弭  
右屬秦鞵以與君周旋子主請殺之楚子  
曰晉公子廣而儉文而有禮其從者肅而  
寬忠而能九晉侯無親外內惡之吾聞姬  
姓唐叔之後其後衰者也其將由晉公子  
乎天將興之誰能廢之違天必有咎乃  
送諸秦秦伯約女五人懷嬴與焉秦西湑  
盪既而揮之怒曰秦晉四也何以卑我公  
子懼降服而囚他日公享之子犯曰吾不  
如衰之文也請使衰從公子賦河水公賦  
六月趙衰曰重耳拜賜公子降拜稽首公  
降一級而辭焉衰曰君稱所以佐天子者  
命重耳重耳  
耳敢不拜

酉乙

襄王十

二十有四年

齊孝七。晉惠十五卒。衛文二十四。蔡莊十。

鄭文三十七。曹共十七。陳穆十二。杞桓公姑容元年。宋成公王臣元年。秦穆二十四。楚成六。

春王正月

附錄

左傳春王正月秦伯納之。不書不告。

入也。及河。子犯以璧授公子。曰。臣負羈縻。從君巡於天下。臣之罪甚多矣。臣猶知之。而況君乎。請由此亡。公子曰。所不與舅氏同心者。有如白水。投其璧于河。濟。圍令狐。入。桑泉。取。白衰。二月甲午。晉師軍于廬柳。秦伯使公子繫如晉。師退。軍于郇。辛丑。狐偃及秦晉之大夫盟于郇。壬寅。公子入于晉。師丙午入于曲沃。未朝于武宮。戊申。使殺懷公。于高梁。不書。亦不告。

○林氏曰秦穆公納重耳是為晉文公

○林氏曰寺人闖宮名披請見文公

○林氏曰豎左右小吏名頭須

也○呂卻畏備將焚公宮而弒晉侯等入披請見公使讓之且辭焉曰蒲城之役君命宿女即至其後余從狄君以田渭濱女為惠公來求殺余命女三宿女中宿至雖有君命何其速也夫袪猶在女其行乎對曰臣謂君之入也其知之矣若猶未也又將及難君命無二古之制也除君之惡唯力是視蒲人狄人余何有焉今君即位其無蒲狄乎齊桓公置射鉤而使管仲相君若易之何厚命焉行者甚眾豈唯刑臣公見之以難告二月晉侯潛會秦伯于王城已丑晦公宮火瑕甥卻芮不獲公乃如歸秦伯送衛於晉三千人實紀綱之僕○初晉侯之豎頭須守藏者也其出也竊藏以逃盡用以求納之及入求見公辭焉以沐謂僕人曰沐則心覆心覆則圖反宜吾不得見也居者為社稷之守行者為羈縻

○林氏曰季隗文公奔狄所取赤狄之女季隗所生二子伯條叔劉也請其進退之命

之僕其亦可也何必罪居者國君而備匹夫懼者甚眾矣僕人以告公遠見之○狄人歸季隗于晉而請其二子文公妻趙衰生原向屏括樓嬰趙姬請逆質與其母子餘辭姬曰得寵而忘舊何以使人必逆之固請許之來以盾為木固請于公以為嫡子而使其三子下之以叔隗為內子而已下之○晉侯賞從亡者介之推不言祿祿亦弗及推曰獻公之子九人唯君在矣惠懷無親外內棄之天未絕晉必將有主主晉祀者非君而誰天實置之而二三子以爲己力不亦誣乎竊人之財猶謂之盜况貪天之功以為己力乎下義其罪上賞其姦上下相蒙難與處矣其母曰盍亦求之以死誰對曰尤而效之罪又甚焉且出然言不食其食其母曰亦使知之若何對曰言身之文也身將隱焉用文之是求顯也其母曰能如是乎與女偕隱遂隱而死

晉侯求之不獲以縣上為之  
田曰以志吾過且旌善人

夏狄伐鄭左傳鄭之入滑也滑人聽命師還

伐滑王使伯服游孫伯如鄭請滑鄭伯怨惠

王之入而不與厲公爵也又怨襄王之與滑

滑也故不聽王命而執二子王怒將以狄伐

鄭富辰諫曰不可臣聞之太上以德撫民其

次親親以相及也昔周公弔二叔之不咸故

封建親戚以蕃屏周管蔡邲霍魯衛毛聃郟

雍曹滕畢原鄧郟文之昭也邲晉應韓武之

穆也凡蔣邢茅胙祭周公之胤也召穆公思

周德之不類故糾合宗族于成周而作詩曰

常棣之華鄂不韡韡凡今之人莫如兄弟其

四章曰兄弟閱于牆外禦其侮如是則兄弟

雖有小忿不廢懿親今天子不忍小忿以棄

鄭親其若之何庸勳親親睦睦近尊賢德之大

者也即聾從昧與頑用罪茲之大者也棄德

崇茲禍之大者也鄭有平惠之勳又有厲宣

之親棄嬖寵而用三良於諸姬為近四德具

矣耳不聽五聲之和為聾目不別五色之章

為昧心不則德義之經為頑口不道忠信之

言為靡狄皆則之四姦具矣周之有懿德也

猶曰莫如兄弟故封建之其懷柔天下也猶

懼有外侮捍禦侮者莫如親親故以親屏周

召穆公亦云今周德既衰於是乎又淪周召

以從諸姦無乃不可乎民未忘禍王又興之

其若文武何王弗聽使顏叔桃子出狄師夏

狄伐鄭取櫟王德狄人將以其女為后富辰

諫曰不可臣聞之曰報者倦矣施者未厭狄

春秋卷十四

二十二

林氏曰周大夫富  
天諫襄王

○林氏曰平王東遷  
晉鄭焉依惠主出奔  
鄭納之是其勳也

○林氏曰平王東遷  
晉鄭焉依惠主出奔  
鄭納之是其勳也

○林氏曰平王東遷  
晉鄭焉依惠主出奔  
鄭納之是其勳也

及坎飲國人納之。秋頹叔桃子奉大叔以狄師伐周。大敗周師。獲周公忌父、原伯、毛伯、富辰、王出適鄭。鄭處於汜。大叔以隗氏居于温。

**附錄**

左傳鄭子華之弟子臧出奔宋。好聚盜殺之於陳宋之間。君子曰：服之不衷，身之災也。詩曰：彼已之子，不稱其服。子臧之服不稱也。夫詩曰：自貽伊戚，其子臧之謂矣。夏書曰：地平天成，稱也。宋及楚平，宋成公如楚，還入於鄭。鄭伯將享之，問禮於臧。武子對曰：宋先代之後也。於周為客天子有事，膳焉。有喪，拜焉。豐厚可也。鄭伯從之，享宋公，有加禮也。

秋七月。○冬，天王出居于鄭。左傳：冬，王使來告，難曰：不穀不

○集解傳云：天子無出言，普天之下莫非王土，故周天子不立出無適而非其家也。

○林氏曰：襄王也。

○何氏曰：不能事母，罪莫大於不孝，故絕之，言出也。

○集解云：或曰：春秋之作，褒貶諸侯，以見其亂名實，棄禮義也。在天子亦可言貶乎？曰：以一時之義言之，則天子諸侯固當選辨，以方世之法言之，則治亂之致，身者而褒貶亦有不可不讓也。

官守王使簡師，父告于晉，使左鄢父告于秦。天子無出書，曰：天王出居于鄭。辟母弟之難也。天子凶服，降名禮也。鄭伯與孔將鉏、石甲父、侯宣多省視官具于汜，而後聽其私政禮也。公羊傳：王者無外，此其言出何不能乎？母與穀梁傳：天子無出，出失天下也。居者居其所也。雖失天下，莫敢有也。

**胡傳**

按左氏：鄭人入滑，王為滑請，鄭不聽。人立其女隗氏為后，富辰諫不聽。大叔帶通于隗氏，王絀狄女，頹叔懼狄之怨已，遂奉叔帶以狄師攻王。王適鄭，處於汜。自周無出，特書曰：出者，言其自取之也。夫鄭伯不王，固有罪矣。襄王不知自反，念其制命之未順也，忍小忿，睚眦親以扞外侮，而棄德崇茲，遂出狄師，是用夷制夏，如木之植，拔其本也。不亦慎乎？王者以天下為家，京



○唐資突厥之兵事  
見唐書劉文靜傳

○晉藉契丹之力事  
見五代史晉紀

○林氏曰惠公卒晉  
太公定征而後生

師為室而四方歸往猶天之無不覆也東周降于列國既不能家天下矣又毀其室而不保則是寄生之君耳貶而書出以為後戒唐資突厥之兵以伐隋而世有戎狄之禍晉藉契丹之力以取唐而卒有播遷之辱許翰以謂不講於春秋戒襄王之所出其言信矣而華夷之辨可不謹夫居者宅其所有之稱出而曰居者若曰普天之下莫非王土撥亂反正存天理之意也

### 晉侯夷吾卒

**附錄** 左傳衛人將伐邢禮至曰不得其室國不可得也我請昆弟仕焉乃往得仕

### 春秋四傳卷之十四

### 春秋四傳卷之十五

#### 僖公四

**丙** 襄王二十有五年

晉文公重耳元年齊

蔡莊十一。鄭文三十八。曹共十八。陳穆十二。杞桓二。宋成二。秦穆二十五。楚成三十七。

春王正月丙午衛侯燬滅邢

左傳春衛人伐邢。二禮從國子

○秦解云衛康叔之後邢周公之後皆文王所出姬姓之國也  
○范氏曰絕先祖支體尤重故各以其之姓也  
巡城掖以赴外殺之正月丙午衛侯燬滅邢同姓也故名禮至為銘曰余掖殺國子莫余敢止公羊傳衛侯燬何以名絕曷為絕之滅同姓也穀梁傳燬之名何也不正其伐本而滅同姓也

#### 胡傳

衛侯何以名滅同姓也春秋之法諸侯不生名滅同姓則名者謂其絕先

○集解云無差等正  
墨習之道而非聖人  
之道

○禮至衛大夫姓名  
也

○左傳云衛人將伐  
邢禮至曰不得其守  
國不可得也我請具  
弟仕焉乃往得仕及  
衛人伐邢一禮從國  
子巡城掖以起死殺  
之正月丙午衛侯燬  
滅邢同姓也故名

○林氏曰文公卒于成公鄭立

祖之裔。夏骨肉之恩。故生而書名。示王法  
不容誅也。聖人與天地合德。滅人邦國而  
絕其祀。同姓與異姓奚別焉。而或名或不  
何也。正道理一而分殊異端二本而無分  
分殊之弊。私勝而失仁。無分之罪。兼愛而  
失義。春秋之法。由仁義行。而人道立者也。  
可以無差等乎。然則晉滅虞。楚滅夔。亦同  
姓也。曷為不名。曰諸侯滅同姓。則名其當  
也。有名有不名。例之變也。邢雖與狄伐衛  
而經無譏。文者為能救齊也。衛人曾不反  
思而遷怒於邢。又遣禮至。昆弟往仕焉。誘  
其守而殺之。于外與虞公貪璧馬。以易鄰  
國。及其身者。其情異矣。春秋原情定罪。而  
衛燬獨名。蓋輕重之權衡也。若荆楚則僭  
號稱王。聖人比諸夷。  
狄於滅夔乎何誅。

夏四月癸酉衛侯燬卒○宋蕩伯姬來逆婦

○集解云隆諸侯之  
尊。開婦預外事之漸。  
是春秋之旨也

公羊傳宋蕩伯姬者何蕩氏之母也其言來  
逆婦何兄弟辭也其稱婦何有姑之辭也穀  
梁傳婦人既嫁不踰竟宋蕩伯姬來逆婦  
非正也其曰婦何也緣姑言之之辭也

**胡傳**

伯姬公女也而配蕩氏其往嫁不見  
於經者國君不與大夫敵也今來逆  
婦而史策書之見公失禮下主大夫之昏  
是慢宗廟卑朝廷姑自逆婦其失明矣

宋殺其大夫

公羊傳何以不名宋三世無大  
夫三世內娶也穀梁傳其不稱  
名姓以其在祖  
之位尊之也

**附錄**

左傳秦伯師于河上將納晉狐偃言  
於晉侯曰求諸侯莫如勤王諸侯信  
之且大義也繼文之業而信宣於諸侯今  
為可矣使十偃下之曰吉遇黃帝戰于阪  
泉之兆公曰吾不堪也對曰周禮未改今  
之王古之帝也公曰筮之筮之遇大有三

○林氏曰：頃道於陳，而申奔楚，故楚圍陳以納頓子。

○范氏曰：圍陳使納頓子也。蓋圍而使納，使見其為不與納也。

○陳先代之後云舜後也。

之戰，晉曰：古者天子之封也，戰克而王饗，吉孰大焉。且是卦也，天為澤以當日，天子降心以逆之，公亦不可乎。大有去，發而復，亦其所也。晉侯辭秦師而下。三月甲辰，次于陽樊。右師圍溫，左師逆王。四月丁巳，王入于王城，取大叔于溫，殺之于隰城。戊午，晉侯朝王。王饗醴，命之宥，請叔父之所惡也。與之陽樊，溫原，攢茅之田。晉於是始啓南陽，陽樊不服，圍之。蒼葛呼曰：德以柔中國，刑以威四夷，且吾不敢服也。此誰非王之親姻，其懼之也。乃出其民。

秋楚人圍陳納頓子于頓

左傳：秋秦晉伐郟，楚闞克屈禦寇以申息之師伐商密，秦人過析隈入而繫粟人以圍商密，昏而傳焉。齊坎血加書，僞與于儀子邊盟者，商密人懼曰：秦取析矣，戍人反矣。乃降秦師，秦師囚申公子儀，息公子邊以歸。

楚令尹子王追秦師，弗及，遂圍陳，納頓子于頓。羊傳：何以不言遂兩之也。穀梁傳：納者內弗受也。圍一事也。納一事也。而遂言之，蓋納頓子者，陳也。

胡傳

圍陳納頓子也。納云者，不與納也。諸侯失國，諸侯納之，正也。何以不與乎。

夫陳先代之後，不能以禮安靖鄰國，保恤寡小，中國諸侯又不能脩方伯連率之職，而使楚人納之，是夷狄仗義正諸夏也。故書曰：楚人圍陳，納頓子。頓，其責中國深矣。此亦正本自治之意也。

蔡衛文公

附錄

左傳：晉侯圍原，命二日之疆，原不降，命去之。謀出曰：原將降矣。軍吏曰：請待之。公曰：信國之寶也。民之所庇也。得原失信，何以處之。所于茲多，退一舍而原

降遷原伯實丁冀趙衰為  
原大夫狐溱為溫大夫

冬十有二月癸亥公會衛子莒慶盟于泚  
左傳衛人平莒莒子我十一月盟于泚修衛文公之  
好且及莒平也穀梁傳莒無大夫其曰莒慶  
何也以公之  
會目之也

**附錄**

左傳晉侯問原守於寺人勃鞞對曰  
昔趙衰以壺飧從徑餒而弗食故使

原處

襄王二十有六年

晉文二齊孝九衛成  
公鄭元年蔡莊十二

鄭文三十九曹共十九陳穆十四杞桓  
三宋成三秦穆二十六楚成三十八

春王正月己未公會莒子衛甯速盟于向

○林氏曰泚魯地

○林氏曰向莒地

○林氏曰鄆齊地

○何氏曰侈猶大也  
大公能知強齊之兵  
弗者之深者也言  
齊長公士卒精猛  
引帥而去之深遠不  
可得及故曰侈

○集解云始見其卑  
弱故追之終見狀發  
而兵衆也則中變而  
不敢此春秋罪僖公  
也

羊作莊子左傳春王正月公會莒莒茲不公甯  
莊十盟于向穀梁傳公不會大  
夫其曰甯速何也以其  
隨莒子可以言會也

○齊人侵我西鄙公  
追齊師至鄆弗及

西鄙討是一盟也  
八微者也侵淺事也公之追之  
非正也至雋急辭也弗及者弗與也可以及  
而不敢及也其侵也曰入其追也曰師以公  
之弗及大之也  
弗及內辭也

**胡傳**

書入書侵書師罪齊也書追書至鄆  
弗及罪齊也穀梁傳人境曰侵少則稱  
入衆則稱師前書齊人是見其弱以誘魯  
也後書齊師是伏其衆以邀魯也其為諷  
明矣凡書追者在境內則譏其不預追戎  
于濟西是也在境外則譏其深以追齊師

至鬪是也。鄭者齊地。至者言遠也。弗者遷辭也。有畏而弗敢及之也。齊魯皆私憤之兵而非正也。故交讓之。

夏齊人伐我北鄙。○衛人伐齊。左傳夏齊孝

○林氏曰此齊侯也。其稱人何。自隱以來。以兵加我君大夫。將皆書人。君將書君。自文十五年齊懿公始。大夫將書大夫。自齊高厚始。說春秋惟知首書人。

衛人伐齊。泚之盟故也。公使展喜。攜師使受命于展禽。齊侯未入境。展喜從之。曰。寡君聞君親舉王趾。將辱于敝邑。使下臣犒執事。齊侯曰。魯人恐乎。對曰。小人恐矣。君子則否。齊侯曰。室如懸磬。野無青草。何恃而不恐。對曰。恃先王之命。昔周公大敗狄。而魯無相害也。載在盟府。大師職之。桓公是以結合諸侯。而謀其不協。彌縫其闕。而匡救其災。昭舊職也。及君即位。諸侯之望曰。其率桓之功。我敝邑用不敢保聚。曰。豈其嗣世九年。而棄命。職其若先君。何。君必不然。恃此以不恐。齊侯

○林氏曰書乞師始此。內乞師不書。乞師于楚。以志中國之屈於夷狄也。

○何氏曰不正者。不還。孫見子主而避之。伐齊。宋以其不臣也。公羊傳乞者何。且辭也。曷為外內同若。重師也。曷為重師。師出不正反。戰不正勝也。穀梁傳乞重辭也。何重焉。重人之死也。非所乞也。師出不必反。戰不必勝。故重之也。

乃公子遂如楚乞師。書乞師始此。左傳東門襄仲。臧文仲如楚乞師。襄仲見子主而避之。伐齊。宋以其不臣也。公羊傳乞者何。且辭也。曷為外內同若。重師也。曷為重師。師出不正反。戰不正勝也。穀梁傳乞重辭也。何重焉。重人之死也。非所乞也。師出不必反。戰不必勝。故重之也。

胡傳 衛人報德以怨。伐齊之喪。助少陵。長

既與其君盟。泚又與其臣盟。于向是黨。衛也。故齊人既侵其西。又伐其北。齊師固亦非義矣。而僖公不能省德。自反深。思遠慮。討安社稷。乃乞楚師。與齊為敵。是以蠻夷殘中國也。於義可乎。其書公子遂如楚乞師。而惡自見矣。

秋楚人滅夔。以夔子歸。夔求龜。反公作隗。左傳夔子不祀。祝融與

○林氏曰夔楚同姓。

○杜氏曰祝融高辛之火正楚之遠祖也鬻熊祝融之十一世孫變楚之別封故亦世紹其祀

○林氏曰能摯楚嫡子有疾不得圖位故別封為夔子

鬻熊楚人讓之對曰我先王能摯有疾鬼神弗救而自窮于夔吾是以失楚又何祀焉秋楚成得臣鬬宜申帥師滅夔以夔子歸穀梁傳夔國也不曰微國也以其君歸無有不名者而

**胡傳** 春秋滅國以其君歸無有不名者而夔何獨不名按左氏夔子不祀祝融與鬻熊楚人讓之對曰我先王能摯有疾鬼神弗救自窮于夔是以失楚又何祀焉諸侯之祀無過其祖者而夔祖能摯是不得祀祝融與鬻熊也而楚反以是滅之非其罪矣故特存其爵而不名也然則楚滅同姓何以不名人而不名春秋待夷狄之體也

**冬楚人伐宋圍緡** 緡穀作閔左傳宋以其善於晉侯也叛楚即晉冬楚令尹子玉司馬子西帥師伐宋圍緡公羊傳邑不言圍此其言圍何刺道用師也穀梁傳

○范雍曰兵不祥之器不得已而用之安有驅民於死地人供假借之力乎

伐國不言圍邑此其言圍何也以○公以楚吾用其師曰其事也非道用師也  
**師伐齊取穀** 左傳凡師能左右之曰以真桓援楚申公叔侯戍之桓公之子七人為七大夫於楚穀梁傳以者不以者也民者君之本也使民以其公至自伐齊公羊傳此已取穀死非其正也  
乎取穀也曷為未得乎取穀曰患之起必自此始也穀梁傳惡事不致此其致之何也危也

**胡傳** 楚強魯弱而能用其師進退在已故特書曰以以者不以者也夫背華即夷取人之邑為已有失正甚矣患之起必自此始其致危之也

**戊子** 襄王二十有七年 晉文三齊孝十卒衛成二蔡莊十三鄭文

四十。曹共二十。陳穆十五。杞桓四。宋成四。秦穆二十七。楚成三十九。

春杞子來朝。左傳春杞桓公來朝。用夷禮。故曰子。公卑杞。杞不共也。

夏六月庚寅齊侯昭卒。左傳夏齊孝公卒。有齊然。不廢喪紀。

禮也。秋八月乙未葬齊孝公。乙巳公子遂帥師入杞。左傳秋入杞。無禮也。

冬楚人陳侯蔡侯鄭伯許男圍宋。左傳楚子將圍宋。使子文治兵於繁。終朝而畢。不戮一人。子文復治兵於蔦。終日而畢。鞭七人。貫三人。耳。國老皆賀。子文曰。文飲之酒。蔦賈尚幼。後至。不賀。子文問之。對曰。不知所賀。子文之傳政於子主。曰。以靖國也。靖諸內而敗諸外。所獲幾何。子主之敗。子之舉也。舉以敗國。將何賀焉。子主剛而無禮。不可以治民。過三百乘。其

○林氏曰楚序諸侯上而稱入嫌與楚以伯也

○林氏曰齊不葬也

不能以入矣。苟入而賀。何後之有。楚子及諸侯圍宋。宋公孫固如晉告急。先軫曰。報施救患。取威定霸。於是乎在矣。狐偃曰。楚始得曹而新昏於衛。若伐曹衛。楚必救之。則齊宋免矣。於是乎蒐于被廬。作三軍。謀元帥。趙衰曰。卻縠可。臣亟聞其言矣。說禮樂而敦詩書。詩書義之府也。禮樂德之則也。德義利之本也。夏書曰。賦納以言。明試以功。車服以庸。君其試之。乃使卻縠將中軍。卻縠佐之。使狐偃將上軍。讓於狐毛而佐之。命趙衰為卿。讓於欒枝。先軫使欒枝將下軍。先軫佐之。荀林父御戎。魏犢為右。晉侯始入而教其民。二年。欲用之。子犯曰。民未知義。未安其居。於是乎出定襄主。入務利。民懷生矣。將用之。子犯曰。民未知信。未宣其用。於是乎伐原。以示之信。民易資者。不求豐焉。明徵其辭。公曰。可矣乎。子犯曰。民未知禮。未生其共。於是乎大蒐。以示之禮。作執秩。以正其官。民聽不惑。而後用。

○集解云謂去年如  
楚之師以楚師伐齊  
或穀及楚申公成穀  
是也

○何氏曰地以宋者  
起公解宋圍為此會  
也宋得與盟則宋解  
可知也而公釋之見  
矣若其則歸美於魯  
公與此意異矣學者  
詳之

之出穀成釋宋圍戰而霸文之教也公羊  
傳此楚子也其稱人何貶曷為貶為執宋公  
貶故終僖之篇貶也穀梁傳楚人若楚子也  
其曰人何也人楚子所以人諸侯也其人諸  
侯何也不正其信○十有二月甲戌公會諸  
侯盟于宋

**胡傳**

楚稱人貶也宋公先代之後作賓王  
家非有篡弑之惡楚人無故攬諸侯  
以圍之何名也故黜而稱人以著其罪諸  
侯信夷狄伐中國獨無貶乎人楚子所以  
人諸侯也公與楚結好故往會盟其地以  
宋者宋方見圍無嫌於與盟而公之罪亦  
著矣

**丑** 襄王二十有八年 晉文四齊昭公潘元  
年衛成二蔡莊十四

○林氏曰晉文公始  
圖霸自此王踐土九  
書晉侯與晉以霸  
也

○范氏曰曹衛並有  
宿怨于晉君子不念  
舊惡故再稱晉侯以  
之

○韓琦風華雉之篇  
朱注云百猶凡也使  
晉也宋食穀善也

鄭文四十一。曹共二十一。陳穆十六卒。  
杞桓五。宋成五。秦穆二十八。楚成四十

**春晉侯侵曹晉侯伐衛**

還自南河濟侵曹伐衛正月戊申取五鹿  
也晉侯齊侯盟于斂孟衛侯請盟晉人弗許  
衛侯欲與楚國人不欲故出其君以說于晉  
兩之也然則何以不言遂未侵曹也未侵曹  
則其言侵曹何致其意也其意侵曹則曷為  
伐衛晉侯將侵曹假塗于衛衛曰不可得則  
固將伐之也穀梁  
傳再稱晉侯忌也

**胡傳**

按左氏初公子重耳之出亡也曹衛  
皆不禮焉至是侵曹伐衛再稱晉侯  
者譏復怨也春秋之時用兵者非懷私復  
怨則利人土地耳詩云百爾君子不知德



○書君陳篇有之

○按奄豎即寺人披也里見須即頭復也韓詩外傳本作里見須

○林氏曰公子買魯大夫內使大夫皆書

○禮記曰刑人於市與衆棄之是也

○周禮秋官司刺掌三刺三宥三赦之法以贊司寇聽獄訟

○孟子離婁下篇有之

○林氏曰界與也界

行不伎不求何用不臧不伎則能懲忿不  
求則能窒欲然後貪憤之兵亡矣或曰曹  
衛皆華即夷於是乎致武奚為不可曰楚  
人搜諸侯以圍宋陳蔡鄭許舉兵而同會  
魯公與會而同盟楚雖得曹新昏於衛然  
其君不在會其師不與圍以方諸國不猶  
愈乎又況衛已請盟而晉人弗之許也書  
曰必有忍其乃有濟有容德乃大文公能  
忍於奄豎里見須矣何獨不能忍於曹衛  
乎再稱晉侯者甚之也下書楚人救衛則  
譏晉深矣春秋責備賢者而樂與人改過  
責備賢者故再稱晉侯樂與人改過故衛  
已請盟不當  
拒而絕之也

公子買戍衛不卒戍刺之

刺七賜反左傳公  
子買戍衛楚人救  
衛不克公懼於晉殺子叢以說焉謂楚人曰  
不卒戍也公羊傳不卒戍者何不卒戍者內

辭也不可使往也不可使往則其言戍衛何  
遂公意也刺之者何殺之也殺之則曷為謂  
之刺之內諱殺大夫謂之刺之也穀梁傳先  
名後刺殺有罪也公子啓曰不卒戍者可以  
卒也可以卒而不卒譏  
在公子也刺之可也

胡傳

按左氏買為楚戍衛楚人救衛不克  
卒戍也內殺大夫稱刺者若曰刺審其情  
與衆棄之而專殺之罪則一耳周官有  
刺一刺曰訊群臣再刺曰訊群吏三刺曰  
訊萬民刺未有責其故者而以不卒戍刺  
之則知買為無罪矣孟子曰無罪而殺  
則大夫可以去無罪而戮民則士可以徙  
今乃殺無罪之主將以苟說於強國於  
是乎不君矣故特書其故以貶之也

楚人救衛 三月丙午晉侯入曹執曹伯界

宋人界必利友左傳晉侯圍曹門焉多死曹  
稱舍於墓師遷焉曹人兇懼為其所得者棺  
而出之因其兇也而攻之三月丙午入曹數  
之以其不用僖負羈而乘軒者三百人且  
日獻狀令無入僖負羈之宮而免其族報施  
也魏犢頭領怒曰勞之不圖報於何有焚僖  
負羈氏魏犢頭傷於臆公欲殺之而愛其材使  
問且視之病將殺之魏犢頭見使者曰以  
吾之靈不有寧也距躍三百踊三百乃舍  
之殺顛頡以狗于師立舟之僑以為戎右宋  
人使門尹般如晉師告急公曰宋人告急舍  
之則絕告楚不許我欲戰矣齊秦未可若之  
何先軫曰使宋舍我而賂齊秦藉之告楚我  
執曹君而分曹衛之田以賜宋人楚受曹衛  
必不許也喜賂怒頑能無戰乎公說執曹伯  
分曹衛之田以界宋人公羊傳界者何與也  
其言界宋人何與使聽之也曹伯之罪何甚

○國語周語云武不可觀文不可匿

○集解云若舜征有苗文三伐崇墉之類

○周語云晉侯請殺衛成公王曰不可政自上下者也君臣皆獄父之將獄是無上下也

惡也其甚惡奈何不可以一罪言也穀梁傳  
入者內弗受也且入惡入者也以晉侯而斥  
執曹伯惡晉侯也界與也其曰  
入何也不以晉侯界宋公也

**胡傳**

古者觀文匿武修其訓典序成而不  
至於是有平有攻伐之兵故孟子謂萬  
章曰子以為有王者作將比今之諸侯而  
誅之乎其教之不改而後誅之乎曹伯羸  
者未狎晉政莫知所承晉艾不修詞令遽  
入其國既執其君又分其田暴矣欲致楚  
師與之戰而以曹伯界宋人譎矣雖一戰  
勝楚遂主夏盟舉動不中於禮亦多矣徒  
亂人上下之分無君臣之禮其坊雖多道  
不足尚也故曰五伯三王之罪人仲尼之  
徒無道桓  
文之事者

夏四月己巳晉侯齊師宋師秦師及楚人戰

晉氏曰城濮衛地

于城濮楚師敗績臣傳楚子入居于申使申殺去穀使子玉去宋曰無阻艱難備嘗之矣民之情偽盡知之矣天假之而除其害天之所置其可廢乎軍志曰危當則歸又曰知難而退又曰有德不可敵此三志者晉之謂矣子玉使伯勞請戰曰非敢必有功也願以間執讒慝之口王怒少與之師唯西廣東宮與若敖之六卒實從之子王使宛春告於晉師曰請復衛侯而封曹臣亦釋宋之圍子犯曰子玉無禮哉君取一臣取二不可失矣先軫曰子與之定人之謂禮楚一言而定三國我一言而亡之我則無禮何以戰乎不許楚言是棄宋也救而棄之謂諸侯何楚有二施我有三怨怨讎已多將何以戰不如私許復曹衛以攜之執宛春以怒楚既戰而後圖之公說乃拘宛春於衛且私許復曹衛曹衛告絕于楚子玉怒從晉師晉

○集解云晉人既不  
忘楚人之德則當從  
子玉之言而復封曹  
衛以釋宋而止矣又  
何必用先軫之謀以  
攜曹衛之黨而執其  
大夫以激其怒乎是  
楚無戰意而晉有戰  
意也故聖人原其意  
而以晉人主是戰誅  
責之幼明矣

師退軍吏曰以君辟臣辱也且楚師老矣何故退子犯曰師直為壯曲為老豈在久乎微楚之惠不及此退三舍辟之所以報也昔惠食言以亢其讎我曲楚直其眾素飽不可謂老我退而楚還我將何求若其不還君退臣犯曲在彼矣退三舍楚眾欲止子玉不可夏四月戊辰晉侯宋公齊國歸父崔天秦小子怒次于城濮楚師背鄴而舍晉侯患之聽輿人之誦曰原由每每舍其舊而新是謀公疑焉子犯曰戰也戰而捷必得諸侯若其不捷表裏山河必無害也公曰若楚惠何欒貞子曰漢陽諸姬楚實盡之思小惠而忘大恥不戰也晉侯夢與楚子搏楚子伏己而監其腦是以懼子犯曰吉我得天楚伏其罪吾且柔之矣子玉使鬬勃請戰曰請與君之士戲君馬軾而觀之得臣與寓目焉晉侯使欒枝對曰寡君聞命矣楚君之惠未之敢忘是以在此為大夫退其敢當君乎既不獲命矣敢

春秋卷十五

七

○三十里爲一舍，一舍九十里也。  
○得臣楚令尹子玉也。

○宛春楚大夫。

○霸王齊桓公也事在十二年。  
○盟主宋襄公也事在二十年。  
○集解韓子曰孟軻好辨孔道以明轍輟天十七卒老于行蓋天下無道不能從仕以行先王之道故雖周流四方而不悔于行走之勞也因孔孟之小孔而知當世之事桓文不足取之証矣。

煩大夫講二三子戒爾車乘敬爾君事詰朝相見晉車七百乘鞞勒鞅鞞晉侯登有莘之虛以觀師曰少長有禮其可用也遂伐其木以益其兵已巳晉師陳于莘北晉臣以下軍之佐當陳蔡子玉以若敖之六卒將中軍曰今日必無晉矣子西將左子將右晉臣蒙馬以虎皮先犯陳蔡陳蔡奔楚右師潰狐毛設二旂而退之藥枝使與柴而偽遁楚師馳之原軫卻縠以中軍公族橫擊之狐毛狐偃以上軍夾攻子西楚左師潰楚師敗績子玉收其卒而止故不敗晉師三日館穀及蔡西而還公羊傳此大戰也曷爲使微者子玉得臣也子玉得臣則其稱人何貶曷爲貶大夫不敵君也

**胡傳**

楚稱人貶也戰而言及主乎是戰者臣也而經之書及何以在晉得臣雖從晉師然初告於晉曰請復衛侯而封曹臣亦

釋宋之圍是未有必戰之意也及先軫獻謀許曹衛以攜其黨拘死春以激其怒而後得臣之意決矣故楚雖請戰而及在晉侯誅其意也荆楚恃強憑陵諸夏滅黃而霸主不能恤敗徐于婁林而諸大夫不能救執中國盟主而在會者不敢與之爭今又成穀逼齊合兵圍宋戰勝中國威動天下非有城濮之敗則民其被髮左衽矣宜有美辭稱揚其德而春秋所書如此其略何也仁人明其道不計其功正其義不謀其利文公一戰勝楚遂主夏盟以功利則高矣語道義則三王之罪人也知此則魯西不爲管仲而仲尼孟子雖心于行而不悔其有以夫

**楚殺其大夫得臣**

楚始讀大夫左傳初楚子也先戰夢河神謂已曰界余余賜女孟諸之驥弗致也大小與子西使榮黃諫弗聽榮季

曰死而利國猶或為之況瓊主乎是糞土也而可以濟師將何愛焉弗聽出告二子曰非神敗令尹令尹其不勤民實自敗也既敗王使謂之曰大夫若入其若申息之老何子西孫伯曰得臣將死二臣止之曰君其將以為戮及連穀而死晉侯聞之而後喜可知也曰莫余毒也已蓋自臣實為令尹奉已而已不在民矣

**胡傳**

按左氏晉師既克曹衛楚子入居于在外十九年而果得晉國險阻艱難備嘗之矣民之情偽盡知之矣天假之年而除其害其可廢乎子玉使伯勞請戰楚子怒少與之師惟西廣東宮與若敖之六卒實從之而不止也子玉從晉師文公退三舍辟之楚眾欲止子玉不可戰于城濮楚師敗績夫得臣信有罪矣而楚子知其不可敵不能使之勿敵而少與之師又以一敗

伯勞楚大夫圖報也  
林氏曰楚人有左右廣此言西廣蓋右廣之矢  
若敖楚先世之君六卒六百人

鄭棄其師在閔公二年

殺之是以師為重而棄其將以與之也是晉再克而楚再敗也故稱國以殺而不去其官以仲尼書鄭棄其師與楚殺得臣之事觀之可為來世之末鑒矣

**衛侯出奔楚**

**胡傳** 諸侯失國出奔未有不名者衛侯何穆背華即夷於文公何罪乎衛之禍文公為之也初齊晉盟于欽孟衛侯請盟晉人不許是塞其向善之心雖欲自新改轍而其道無由也高帝一封雍齒而功臣不競世祖燒棄文書而反側悉安使文公釋怨許衛結盟南向諸侯棄楚而歸晉矣忿不思難惟怨是圖必使衛侯竄身無所奔于荆蠻歸于京師兄弟相殘君臣交訟誰之咎也夫心不外者乃能統太眾智不鑿者乃能處大事文公欲主夏盟取威定霸而

高帝一封雍齒事在前漢書高祖紀  
世祖燒棄文書事在後漢書光武紀

舉動煩擾若不勝任者惟鑿智自私而心不廣也春秋於衛侯失國出奔不以其罪名之重而重文公之咎蓋端本議刑責備賢者之意也

五月癸丑公會晉侯齊侯宋公蔡侯鄭伯衛

子莒子盟于踐土踐在演反左傳甲午至子

之三月鄭伯如楚致其師為楚師既敗而懼使子人九行成于晉晉樂枝入盟鄭伯五月丙午晉侯及鄭伯盟于衛雍丁未獻楚俘于王駟介百乘徒共千鄭伯傳王用平禮也已酉王享醴命晉侯宥王命尹氏及王子虎內史叔與父策命晉侯為侯伯賜之大輅之服戎輅之服彤弓一彤矢百旅弓矢千緡

四國糾袂王惠晉侯三辭從命曰重耳敢再拜稽首奉揚天子之丕顯休命受策以出

○集解云踐土之會實尊天王為名而召王以諸侯見不可以訓天下是故以狩言之非為晉侯諱所以正其名而存臣子之禮也

○林氏曰踐土鄭地

八三 鞫衛侯聞楚師敗懼出奔楚遂適陳使元咺奉叔武以受盟癸亥王子虎盟諸侯于王庭要言曰皆獎王室無相害也有諭此盟有神殛之俾隊其師無克相國及而玄孫無有老幼君子謂是盟也信謂晉於是役也能以德攻穀梁傳諱會天王也

**胡傳** 踐土之會天王下勞晉侯削而不書實不及一小國之諸侯晉文之爵雖曰侯伯而號令天下幾於改物實行天子之事此春秋之名實也與其名存實亡猶愈於名實俱亡是故天王下勞晉侯于踐土則削而不書去其實以全名所謂君道也父道也晉侯以臣召君則書天王狩于河陽正其名以統實所謂臣道也子道也而天下之大倫尚存而不滅矣衛侯奔楚不書名者未絕其位也叔武受盟而稱衛子者立以為君也此見聖人深罪晉文報怨行

范氏曰衛稱子者時衛侯出奔國更立君非王命所加未成君故曰子

○叔武衛侯之弟

私專權自恣廢置諸侯之意

陳侯如會

公羊傳其言如會何後會也穀梁傳如會外乎會也於會受命也

公朝于王所

公羊傳天子在是也天子在是則曷為不言天子在是不與致天子也穀梁傳朝不言所言所者非其所也

胡傳

朝不言所言所非其所也朝于廟禮也于外非禮也

群后四朝周制十有二年王乃時巡諸侯各朝于方嶽亦何必于京師于廟然後為禮乎古者天子巡狩十四方有常時諸侯朝于方嶽有常所其宮室道途可以預備故民不勞其供給調度可以預備故國不費今天王下勞晉侯公朝于王所則非其時與地矣自秦而後巡游無定至有長吏以倉卒不辦被誅民庶以煩勞不給生厭

○林氏曰畫朝王始此此先朝王而後盟是以天子與斯盟也畫盟而後朝春秋不以天子與斯盟之詞也  
○范氏曰諸侯朝王王必於宗廟受之者蓋欲尊祖祚共其榮  
○有虞氏五載一巡符見書舜典  
○周制十有二年王乃時巡在書周官

○何氏曰晉侯下謂諸侯曰天子在是不可不朝道使正者臣明王法雖非正地時可與故書朝因正其義

蓋春秋之義不行故也然則天子在是其可以不朝乎天子在是而諸侯就朝禮之變也春秋不以諸侯就朝為非而以王所非其所為非正其本之意也

六月衛侯鄭自楚復歸于衛

穀梁傳自楚楚有秦焉爾復者

復中國也歸者歸其國也衛元咺出奔晉左傳或所也鄭之名失國也於衛侯曰立叔武矣其子角從公公使殺之咺不廢命奉夷叔以入守六月晉人復衛侯衛武子與衛人盟于寗濮曰天禍衛國君臣不協以及此憂也今天誘其衷使皆降心以相從也不有居者誰守社稷不有行者誰扞牧圉不協之故用昭乞盟于爾大神以誘天衷自今日以生既盟之後行者無保其力居者無懼其罪有渝此盟以相及也明神先君是終是殛國人聞此盟也而後不貳衛侯先期入衛子先長辨守門以為使也與之乘而

○林氏曰元咺衛大夫  
○何氏曰言復歸者天子有命歸之名者刺天子歸有罪也

○公羊傳云衛侯之罪何殺叔武也何以不書為叔武諱也春秋為賢諱何賢乎叔武讓國也其讓國奈何文公逐衛侯而立叔武云云

○書康誥曰兄不念鞠子哀大弗友于弟天惟與我民彝大泯亂曰乃其速由王作罰刑茲無赦蓋以衛鄭當此罰矣

○林氏曰穆公卒子共公朔立  
○杞伯姬莊公女歸寧曰來

公子欲大華仲前驅叔武將沐聞君至喜捉髮走出前驅射而殺之公知其無罪也然之股而哭之欲大走出公使殺之元咺出奔晉

**胡傳**

衛侯失國出奔則不名後歸得國何侯立叔武叔武辭立而他人立則恐衛侯之不得反也於是已立乎其位治反衛侯衛侯得反而疑其弟則曰叔武篡我元咺爭之曰叔武無罪衛侯不信其言終殺叔武是不念鞠子哀而以爭國為心亂民彝滅天理其為罪大矣此其所以名也元咺由是走之晉而訟其君然衛侯初歸則稱復再歸何以不稱復乎春秋立法甚嚴而待人以恕鄭之初歸雖殺叔武既名之矣猶意其或出於誤而能革也是以稱復及其再歸又殺元咺及公子瑕則是終以重

國為心長惡不悛無自艾之意矣是以不稱復其曰歸于衛者易詞也諸侯嗣故稱復者繼之也而國非其國矣

**陳侯款卒**

**秋杞伯姬來**

**公子遂如齊**

**附錄**

左傳城濮之戰晉中軍風於澤亡大施之左施初購好命司馬殺之以徇于諸侯使茅茂代之師還壬午濟河舟之僑先歸土會攝右秋七月丙申振旅豎以入于晉獻酬授餼飲至大賞徵會討貳殺舟之僑以徇于國民於是大服君子謂文公其能刑矣三罪而民服詩云惠此中國以綏四方不失賞刑之謂也

冬公會晉侯齊侯宋公蔡侯鄭伯陳子莒子邾子秦人于温晉侯下殺無齊侯秦與中國會始此左傳冬會于温詩不



○林氏曰晉侯召王以諸侯見是先狩而後會也春秋先書會後書狩者書狩而後會是以天子與斯會也先書會後書狩春秋不以天子與斯會之辭也河陽即温晉地也

○陳氏曰晉文公大會諸侯而欲尊天子以為名義自嫌強大不敢朝周俞王出狩因得盡君臣之禮故曰召王皆譎而不正之事也故不可以訓後世

天王狩于河陽

服也穀梁傳天王狩于河陽是會也晉侯召王以諸侯見且使王狩仲尼曰以臣召君不可以訓故書曰天王狩于河陽言非其地也且明德也公羊傳符不書此何以書不與再致天子也魯子曰温近而踐土遠也穀梁傳全天子之行也為若將守而遇諸侯之朝也為天王講也水北為陽山南為陽温河陽也

胡傳

按左氏晉侯召王以諸侯見仲尼曰干河陽以尊周而全晉也啖助謂以常禮言之晉侯召君名義之罪人也其可訓也若原其自嫌之心嘉其尊王之意則請王之狩中心亦至焉故夫子特書狩于河陽所謂原情為制以誠變禮者也夫踐土之會王實自往非晉罪也故為王謹而足矣温之會晉則有罪而其情順也故既為王諱之又為晉解之於以見春秋忠恕也

嚴粲

○陳氏曰以首狩為名則不見晉侯召王之實故曰尊周而全晉此憂惠後世其為法

壬申公朝于王所

穀梁傳朝於廟禮也於非禮也獨公朝與諸侯盡朝也其日以其再致天子故謹而日之主善以內日惡以外言日公朝逆辭也而尊天子會于温言小諸侯温河北地以河陽言之大天子也日繫於月月繫於時壬申公朝于王所其不月失其所繫也以為晉文公之行事為已偵矣

晉人執衛侯歸之于京師

左傳衛侯與元咺訟甯武子為輔鍼莊子為坐士榮為太士衛侯不勝殺士榮刑鍼莊子謂甯俞忠而免之執衛侯歸之于京師甯諸深室甯子職納橐饋焉公羊傳歸之于者何歸于者何歸之于者罪已定矣歸之于者罪未定也罪未定則何以得為伯討歸之于者執之于天子之側者也罪定不定已可知矣歸于者非執之于天子之側者也罪定不定不可知也衛侯之罪何殺叔武也何以

○何氏曰臣無訴君之義復於衛非也悼其君臣之義故著言自明不當有力於惡人也言復歸者深為勸者耻之使名無罪

不書為叔武諱也春秋為賢者諱何賢乎叔武讓國也其讓國奈何文公逐衛侯而立叔武叔武辭立而他人立則恐衛侯之不得反也故於是已立然後為踐土之會治反衛侯衛侯得反曰叔武篡我元咺爭之曰叔武無罪終殺叔武元咺走而出此晉侯也其稱人何則曷為貶衛侯之禍文公為之也文公為之奈何文公逐衛侯而立叔武使人兄弟相疑放乎殺母弟者文公為之也穀梁傳此入而執其不言入何也不外王命於衛也歸之于京師緩辭也衛元咺自晉復歸于衛左傳元咺在齊師也衛元咺自晉復歸于衛左傳元咺立公子瑕公羊傳自者何有力焉者也此執其君其言自何為叔武爭也穀梁傳自晉晉有奉焉爾復者復中

**胡傳**

其言歸之于者執不以正之詞也古者君臣無獄諸侯不專殺為臣執者

○集解云為臣執君非正矣

故衛侯不名而元咺稱復大夫不世其稱復絕之也自晉者晉有奉焉因其力也歸者易辭以文公為之主故其歸無難而方伯之罪亦明矣是以執而稱人不得為伯也

**諸侯遂圍許**

穀梁傳遂繼事也

**胡傳**

諸侯比再會天子再至皆朝于王所而許獨不會以其不臣也故諸侯圍許按古者巡狩諸侯各朝于方嶽今法天子行幸二百里內亦皆問起居許距河陽踐土近矣而可以不會乎其稱遂繼事之辭也

**曹伯襄復歸于曹遂命諸侯圍許**

左傳丁丑

晉侯有疾曹伯之暨侯孺貨筮史使曰以曹為解齊桓公為會而封異姓今君為會而滅

○天子再至始會于踐土○祭晉侯再會于溫狩于河陽○古者巡狩見虞書及祭義○祭義曰天子車駕所至皆有所賜故因謂之幸

○范氏曰繼事會于温而圍許

同姓曹叔振鐸文之昭也先君唐叔武之穆也且合諸侯而滅兄弟非禮也與衛借命而不與借復非信也同罪異罰非刑也禮以行義信以守禮刑以正邪舍此三者君將若之何公說復曹伯遂會諸侯于許穀梁傳復者復中國也天子免之因與之會其曰復通王命也遂繼事也

○侯德曹小臣姓名

**胡傳** 曹伯襄何以名其歸之道非所以歸也曹侯有疾使其豎侯儒貨萊史曰以曹為解曹侯恐於是反曹伯夫以賂得國而春秋名之此於失地滅同姓之罪以此知聖人嚴於義利之別以正性命之理其說行而天下定矣豈曰小補之哉

**附錄** 左傳晉侯作三行以禦狄荀林父將中行屠擊將右行先蔑將左行

### 春秋四傳卷之十五

### 春秋四傳卷之十六

#### 僖公五

**庚** 襄王二十有九年 晉文五齊昭二衛成四 蔡莊十五鄭文四

十二曹共二十二陳共公朔元年杞桓六宋成六秦穆二十九楚成四十一

**春介葛盧來** 左傳介葛盧來朝舍于昌行之

傳介葛盧者何夷狄之君也何以不言朝不能平朝也穀梁傳介國也葛盧微國之君未壽者也其○公至自圍許○夏六月會王人曰來果也

**晉人宋人齊人陳人蔡人秦人盟于翟泉** 會

公有公字翟亭歷友公作狄左傳夏公會王子虎晉狐偃宋公孫固齊國歸父陳轅濤塗

春秋卷十六

○蔡氏曰介東夷國葛盧介君名也介始見經

○翟泉洛陽城內地

○集解云：上替則失尊嚴之勢，下陵則肆得易之心。王子亦不臣也，敢與諸侯盟而不由於天子，皆無君者也。故並書人而同一貶。

○正義橫渠先生所作

秦小子救盟于翟泉，尋踐土之盟，且謀伐鄭也。卿不書罪之也。在禮，卿不書會，公侯會，伯子男可也。

**胡傳**

按左氏公會，王子虎，晉狐偃，宋公孫固，齊國歸父，陳轅濤，塗秦，小子救盟于翟泉，則皆列國之貴大夫與王子而公與會也。其貶而稱久，諱不書公何也。翟泉近，在洛陽王城之內，而王子虎於此，下與列國盟，是謂上替。諸侯大夫入天子之境，雖貴曰士，而於此上盟，王子虎是謂下陵。而無君之心著矣。故以為大惡，諱公而不書。諸國之卿貶稱人，而王子虎亦與焉者，此正其本之義也。

**秋大雨雹**

**胡傳**

正蒙曰：凡陰氣凝聚，陽在內者不得出，則奮擊而為雷。震陽在外者，不得

○陳哲曰：陰陽不相尤而相受，則風雨調。寒暑正，亦君相燮理之功，要在人致之耳。

則甲旋不少，舍而為風，和而散，則為霜雪。雨露不和而散，則為戾氣，疇霾陰常散，緩受交於陽，則風雨調。寒暑正，君者戾氣也。陰脅陽，臣侵君之象。當是時，僖公即位，日久，季氏世卿，公子遂專權，政在大夫，萌於此矣。

**冬介葛盧來**

左傳以未見公，故復來朝禮之。加燕好，介葛盧聞牛鳴曰：是生

**辛**

襄王二十三年三十年 晉文六齊昭三衛成五蔡

二十三年陳共二杞桓七宋成 七秦穆三十楚成四十二

**春王正月 夏狄侵齊**

左傳晉人侵鄭，以觀其可交與否。秋間，晉

○說不云乎見齊頌  
○本說舒國名近楚  
者也

○何氏曰衛侯歸自  
楚復歸于衛元咺出  
奔晉是也

○何氏曰晉人執衛侯歸之于京師元咺自復歸于衛恃晉力以歸是也

○集解云朱子曰晝布曰正樓皮曰鶴皆侯之中射之的也引此以明反邑自責之意  
○初不禮晉公子重耳又以無罪殺叔政皆當自省自責

○何氏曰時已得天  
子命還國於道路遇  
而殺之坐之與至國  
亂故但稱國不復別  
也愚按如此則稱國  
以殺之例有非同矣  
不若君與大夫專殺  
之例

○二十八年晉執衛  
侯歸之于京師故元  
咺歸衛立公子瑕  
○襄公十四年衛孫

**胡傳**

左氏曰晉人伐鄭以觀其可攻與否  
狄間晉之有鄭虞也遂侵齊詩不云  
乎戎狄是膺荆舒是懲四夷交侵所當攘  
斥晉文公若移圍鄭之師以伐之則方伯  
連帥之職脩矣上書狄侵齊下書  
圍鄭此直書其事而義自見者也

秋衛殺其大夫元咺

伍傳晉侯使醫沆酖衛  
侯衛俞貨醫使薄其酖  
不死公為之請納玉於王與晉侯皆十穀王  
許之秋乃釋衛侯衛侯使賂周欵治塵曰苟  
能納我吾使爾為卿周治殺元咺及子適子  
儀公入祀先君周治既服將命周欵先入及  
門遇疾而死治塵辭卿穀梁傳稱國以殺罪  
累上也以是為訟君也衛侯在外其以累上  
之辭言之何也待  
其殺而後入也

**胡傳**

元咺訟君為惡君歸則已出君出則  
已歸無人臣之禮信有罪矣則稱國

以殺而不云其官何也春秋之法躬自厚  
而薄責於人君子之道譬諸射失諸正鵠  
友求諸已衛侯之躬無乃有闕盍亦省德  
而內自訟乎夫稱國以殺者君與大夫專  
殺之也衛侯在外其稱國以殺何也穀梁  
子曰待其殺而後入也待其殺而後入是  
志乎殺咺瑕者也兵莫憚於志鏃錐為下  
衛侯未入稱國以殺此春秋誅意之效也  
然則大臣何與焉從君於  
惡而不能正故并罪之也

及公子瑕

公羊傳衛侯未至其稱國以殺何  
道殺也穀梁傳公子瑕累也以專

**胡傳**

公子瑕未聞有罪而殺之何也元咺  
立以為君故衛侯忌而殺之也然不  
與衛則同者是瑕能拒咺辭其位而不立  
也與陳作同者是瑕能守節不為國人

林父審殖逐獻公立  
公孫剽二十六年審  
喜弒剽納獻公

○佗陳五父也桓五  
年陳桓公卒佗殺其  
太子而自立六年蔡  
人殺佗而立厲公躍

○詩云本支百世本  
嫡子也支庶子也謂  
其殺叔武及子適子  
儀也

○六朝晉宋齊梁陳  
隋也

○林氏曰於是秦伯  
私與鄭盟成鄭而去  
之秦晉之惡自此始

之所惡也故經以公子冠瑕而稱及見瑕  
無罪事起元咺以咺之故延及於瑕而衛  
侯忌克專殺濫刑之惡著矣

衛侯鄭歸于衛公羊傳此殺其大夫其言歸

平元咺元咺之事君也君出則  
已入君入則已出以爲不臣也

**胡傳**衛侯出奔于楚則不名見執于晉則

及名之乎不名者責晉文公之以小怨妨  
大德名之者罪衛侯鄭之以枝害我本支  
古者天下爲公選賢與能不以爲異况於  
戚屬豈有疑間猜忌之心哉末世隆怨薄  
恩趨利棄義有國家者恐公族之軋已至  
網羅誅殺無以芟其本根而社稷傾覆如  
六朝者衆矣衛侯始歸而殺叔武再歸而  
及公子瑕是葛藟之不若而春秋之所惡

也故再書其名爲後世戒此義  
苟行則六朝之君或亦少省矣

晉人秦人圍鄭左傳九月甲午晉侯秦伯圍

也晉軍函陵秦軍汜南佚之狐言於鄭伯曰

國危矣若使燭之武見秦君師必退公從之

辭曰臣之壯也不如人今老矣無能爲也

公曰吾不能早用子今急而求子是寡人

之過也然鄭亡子亦有不利焉許之夜繼而

出見秦伯曰秦晉圍鄭鄭既知亡矣若亡鄭

而有益於君敢以煩執事越國以鄙遠君知

春秋卷六

四

○孟子辭婁下篇朱  
橫逆謂強暴不  
謂也忠者盡已之  
有而不盡其心終不  
之技即所謂何難焉  
者也

○將迎贈送四字皆相待禮意殷勤之貌也

燭武人者鄭大夫也

暴骨原野謂三十  
三年殺之戰及文公  
二年彭衙之戰

○林氏曰蕭宋附庸

公子遂在桓公七  
年

公曰不可微夫人之力不及此因人之力而  
敗之不仁失其所與不知以亂易整不武吾  
其還也亦去之初鄭公子蘭出奔晉從於晉  
侯伐鄭請無與圍鄭許之使待命于東鄭石  
甲父侯宣多遊以爲太子以求成于晉晉人許之

**胡傳**按左氏傳晉侯秦伯圍鄭以其無禮  
於晉而經書晉人秦人者貶之也於  
秦晉何貶乎初晉公子重耳出亡過鄭而  
鄭文公亦不禮焉爲是與師而圍鄭孟子  
曰有入於此待我以橫逆則君子必自反  
也我必不仁無禮與不忠歟仁且有禮而  
忠矣其橫逆猶是也此亦妄人耳矣而君  
子蓋終不之校也故行有不得者皆反求  
諸己而已矣今鄭伯之於晉公子特不能  
厚將迎贈送之禮而未嘗以橫逆加之也  
坐此見圍爲列國者不亦難乎故晉侯秦  
伯貶稱入者晉文以私忿勤民動衆圍人

之國秦伯惟利爲向背從燭之武之言不  
以義舉也而二國結盟連兵暴骨原野自  
此始矣

介人侵蕭○冬天王使宰周公來聘左傳冬

公閱來聘饗有昌歜曰黑形鹽辭曰國君文  
足昭也武可畏也則有備物之饗以象其德  
薦五味羞嘉穀鹽虎形以獻其功吾何  
以堪之穀梁傳天子之宰通于四海公子

遂如京師此聘周遂如晉此聘晉之始左傳

周遂初聘于晉公羊傳大夫無遂事此其言  
遂何公不得爲政爾穀梁傳以尊遂乎此  
言不敢叛京師也

**胡傳**

大夫出疆有以一事出者有以二事  
出而專繼事者其書皆曰遂公子遂

○公子結在莊公十九年  
○集解云以二事出者為不誠而專繼事者為不敬不誠之罪君臣同責事之罪則獨責乎臣矣然而失於為國之禮則一也

如周及晉與祭公自魯逆王后皆所謂以二事出者也公子結往滕而及齊宋盟則專繼事者也是非得失則存乎其事實矣家宰上兼三公其職任為至重而來聘于魯天王之禮意莫厚焉魯侯既不朝京師而使公子遂往又以二事出夷周室於列國此大不恭之罪履霜堅冰之漸春秋之所誅而不以聽者也則何以無貶乎有不待貶絕而罪惡見者不貶絕以見罪惡

襄王二十三年三十有一年 晉文七齊昭四衛成六蔡莊十七鄭文四

春取濟西田 濟子禮反左傳春取濟西田分曹地也使臧文仲往宿於重館重館人告曰晉新得諸侯必親其共不速行將無及也從之分曹地自泚以南東傳于濟

盡曹地也 公羊傳惡乎取之取之曹也曷為不言取之曹諱取同姓之田也此未有伐曹者則其言取之曹何晉侯執曹伯班其所取地于諸侯則何諱乎取同姓之田又也

胡傳 公羊曰取之曹也晉侯執曹伯班其所復吾故由而謂之取何也春秋之法不以亂易亂

公子遂如晉 左傳襄仲如晉拜曹田也 ○夏四月四卜郊

公羊傳曷為或言三卜或言四卜三卜禮也四卜非禮也三卜何以禮四卜何以非禮求言之道三禘嘗不下郊何以卜卜郊非禮也卜郊何以非禮魯郊非禮也魯郊何以非禮天子祭天諸侯祭土天子有方望之事無所不通諸侯山川有不在其封內者則不祭也穀梁傳夏四月不時也四卜非禮也



禮記禮運篇有之

明堂位篇有之

○楊子法言重黎篇有之

○禮記禮運篇陳氏曰天地社稷之祭君臣之分宜不可踰魯為小臣而可僭天子之祭哉祝於始歲於禮之成也常古常事古法也不敢變易謂貴賤行藏一依古制也

○禮記曲禮云天子祭天地祭四方祭山川祭五祀歲徧諸侯方祀祭山川祭五祀歲徧大夫祭五祀歲徧士祭其先

○五祀門行戶竈中曾是也

○蔡氏曰諸侯之有郊禘東周之僭禮也魯之郊禘惠公請之猶未卒以為常僭公始作頌以誇其盛於是四下不從猶三望故特書以示說

**胡傳**

記禮者曰祭帝于郊所以定天位也禮行於郊而百神受職焉魯諸侯何以有郊成王以周公有大勳勞於天下命魯公世世祀周公以天子之禮樂是故魯君孟春乘大輅載弧韜旂十有二旒日月之章祀帝于郊配以后稷天子之禮也以人臣而用天子之禮可乎是成王過賜而魯公伯禽受之非也揚子曰天子之制諸侯庸節節莫差於僭僭莫重於祭祭莫重於地莫重於天諸侯而祀天其僭極矣聖人於春秋欲削而不存則無以志其失為後世戒悉書之乎則歲事之常有不勝書者是故因禮之變而書于策或以時或以時或以變焉者悉書其事而謂言偃曰魯之郊禘非禮也周公其衰矣祀之郊也禹也宋之郊也契也是天子之事守也言祀宋夏商之後受命于周作實王家統承先王脩

其禮物其得行郊祀而配以其祖非列國諸侯之比也是故天子祭天地諸侯祭社稷祝嘏莫敢易其常古易則亂名犯分人道之大經拂矣故曰郊社之禮所以事上帝也宗廟之禮所以祀乎其先也明乎郊社之禮禘嘗之義治國其如指諸掌乎夫庶人之不得祭五祀大夫之不得祭社稷諸侯之不得祭天地非欲故為等衰蓋不易之定理也知其理之不可易則安於分守無欲僭之心矣為天下國家乎何有不從乃免牲公羊傳曷為或言免牲或言免牲免牲禮也免牛非禮也免牛何以非禮傷者曰牛穀梁傳免牲者為之緇衣熏裳有司玄端奉送至於南郊免牛亦然乃者亡乎人之辭也

**胡傳**

古者大事決於卜故洪範稽疑獨以龜為主卜而不從則不郊矣故免牲

○書舜典云肆類于上帝禋于六宗望于山川歲二月東巡狩至于岱宗柴望秩于山川蔡氏曰類柴皆祭名郊祀者祭昊天上帝之常祭非常祀而祭告于天其禮依郊祀為之故曰類柴燔柴以祀天也

猶三望左傳四小郊不從乃免牲非禮也猶牲曰半卜曰日牲牲成而下郊上怠慢也望郊之細也不郊亦無望可也公羊傳三望者何望祭也然則曷祭祭泰山河海曷為祭泰山河海山川有能潤于百里者天子秩而祭之觸石而出膚寸而合不崇朝而徧雨乎天下者唯泰山爾河海潤于千里猶者何通回以已也何以書譏不郊而望祭也穀梁傳猶者可以已之辭也

○集解云天子四望而魯三殺地一也

獨祭三者魯郊非禮故獨祭其大者何氏曰郊望非一獨祭三者魯郊非禮故獨祭其大者

○顏氏家訓云婦主中饋惟事酒食衣服之禮耳國不可使預政家不可使幹蠱○集解云內政不出乎外故也○呂漢高祖后呂氏也○武武氏名則天本唐太宗官人高宗立以為皇后

秋七月  
附錄  
冬杞伯姬來求婦公羊傳其言來求婦何兄弟辭也其稱婦何有姑之辭也穀梁傳婦人既嫁不踰竟祀伯姬來求婦非正也  
胡傳蕩伯姬來求婦而書者以公自為之主失其班列書也杞伯姬敵矣其來求婦曷為亦書凡婦人之不可預國事也王后之詔命不施於天下未人之教令不施於境中昏姻大事也杞獨無君乎而未人主之也故特書于策以為婦人亂政之戒毋為子求婦猶曰不可况於乎他乎此義行無呂武之禍矣  
狄圍衛十有二月衛遷于帝丘于穀作於左傳卜曰三百

○黎侯見詩衛風旌丘篇

○凡伯在隱公七年

○衛為狄人所滅在

閔公二年及僖公二年

年。衛成公夢康叔曰。相奪予。享公命。祀相。甯武子不。曰。鬼神非其族類。不歆其祀。祀。祀。鄩何。襄。相之不享於此。義矣。非衛之罪也。不可以間成主周公之命。祀。請改祀。命。

**胡傳**

帝丘東郡濮陽。顛頊之虛。亦衛地也。能脩方伯連率之職。戎嘗伐凡伯于楚丘。而衛不能救。王臣之患。其後遂為狄人所滅。東徙渡河矣。齊桓公攘戎狄。封之。而衛國忘亡。今又為狄所圍。其遷于帝丘。避狄難也。而中國衰微。夷狄強盛。衛侯不能自強於政治。晉文無卻四夷安。諸夏之功。莫不見矣。

**附錄**

左傳鄭洩駕惡公子瑕。鄭伯亦惡之。故公子瑕出奔楚。  
癸襄王二十二年。三十有一年。晉文八年。齊昭五年。衛十四年。成七。蔡莊十八。鄭文。

四十五卒。曹共二十五。陳共四。杞桓九。宋成九。秦穆三十二。楚成四十四。

春王正月

**附錄**

左傳春楚鬬章請平于晉。晉陽處父報之。晉楚始通。

夏四月己丑鄭伯捷卒。捷。公。○衛人侵狄秋。

衛人及狄盟。

**胡傳**

按左氏。狄有亂。衛人侵狄。狄請平焉。衛人及狄盟。其不地者。盟於狄也。再書衛人而稱及者。所以罪衛也。盟會中國。諸侯之禮。衰世之事。已非春秋之所貴。况與戎狄豺狼。即其廬帳。刑牲。軟面。以要之哉。

冬十有二月己卯晉侯重耳卒。

左傳冬晉文公卒。庚辰。

○林氏曰。不地者。起。○不地者。就狄廬帳。○何氏曰。不地者。起。因上侵就狄廬也。復出衛人者。嫌地內。故者同也。言及者。時出不得狄君也。稱人而及。則狄盟者。甲。

○林氏曰晉文公卒  
子壽公驪立○晉襄  
公繼伯

○懷公惠公子即圍  
也高梁晉地名

殯于曲沃山極有聲如呼。小獲使大夫拜  
曰君命太事將有西師。邲我擊之必大捷  
焉。杞子自鄭使告于秦。曰鄭人使我掌其北  
門之管。若替師以來。國可得也。穆公訪諸蹇  
叔。蹇叔曰勞師以襲遠。非所聞也。師勞力竭  
遠主備之。無乃不可乎。師知所為。鄭必知之。  
勤而無所。必有悖心。且行千里。其誰不知。公  
辭焉。召孟明西乞白乙。使出師於東門之外。  
蹇叔哭之曰。孟子吾見師之出。而不見其入  
也。公使謂之曰。爾何知中壽爾墓之木拱矣。  
蹇叔之子與師。哭而送之曰。晉人禦師必於  
殽。殽有二陵焉。其南陵夏后皋之墓也。其北  
陵文王之所辟風雨也。必死。是間余收爾骨焉。秦師遂東。

**胡傳** 按左氏載秦伯納晉文公及殺懷公  
為不告也。徐邈曰。諸侯有朝聘之禮。赴告  
之命。所以敦交好。通憂虞。若鄰國相望而

情志否隔。存亡禍福。不以相關。則他國之  
史無由得。書魯政。雖陵典刑。猶在。史策所  
錄。不失常法。其文足證。仲尼修之。  
事仍本史。有可損而不能益也。

**甲** 襄王二十三年 晉襄公驪元年。齊昭  
十五年。秦穆三十二年。楚成四十五年。

鄭穆公蘭元年。曹共二十六年。陳共五。杞  
桓十。宋成十。秦穆三十二。楚成四十五。

春王二月秦人入滑 右免。秦師過周北門。左

百乘。王孫滿尚幼。觀之。言於王曰。秦師輕而  
無禮。必敗。輕則寡謀。無禮則脫。入險而脫。又  
不能謀。能無敗乎。及滑。鄭商人弦高將犒於  
周。遇之。以乘韋先牛十二犒師。曰。寡君聞吾  
子將步師。出於敝邑。敢犒從者。不腆敝邑。為  
從者之淹。居則具一日之積。行則備一夕之  
衛。且使遽告于鄭。鄭穆公使視客館。則求車  
屬。兵秣馬矣。使臯武子辭焉。曰。吾子淹久於

○林氏曰滑姬姓國  
滅而書人不能有其

○林氏曰姜戎姜姓  
之氏八子駟文之先  
也秦晉七十二年之  
爭始於敵而終於十  
三國之伐

○文嬴秦穆公女晉  
襄公適母也

○墨衰經者以墨衰  
其衰而加經也是時  
文公在殯襄公在凶  
服故為此飾戎

敝邑唯是賄資餼牽蠲矣。為吾子之將行也。  
鄭之有原圃猶秦之有具囿也。吾子取其麋  
鹿以問敝邑若何。杞子奔齊逢孫揚孫奔宋  
孟明曰鄭有備矣不可冀也。攻之不克圍之  
不繼其其還也滅滑。  
○亦侯使國歸父來聘  
左傳齊國莊子來聘自郊勞至干贖賄禮成  
而加之以斂。臧文仲言於公曰。國子為政齊  
猶有禮君其朝焉。臣聞之。  
○夏四月辛巳晉

人及姜戎敗秦于殺。敗必邁反敗秦下左穀  
秦違蹇叔而以貪勤民天奉我也奉不可失  
敵不可縱縱敵患生違天不祥必伐秦師樂  
枝曰未報秦施而伐其師其為死君乎先軫  
曰秦不哀吾喪而伐吾同姓秦則無禮何施  
之為吾聞之曰縱敵數世之患也謀及子  
孫可謂死君乎遂發命遽興姜戎子墨衰經

梁弘御我萊駒為右。夏四月辛巳敗秦師于  
殺獲百里孟明視西乞術白乙丙以歸遂墨  
以葬文公晉於是始墨。文嬴請二師曰彼實  
搆吾君寡君若得而食之不厭君何辱詘  
焉使歸就戮于秦以逞寡君之志若何公許  
之先軫朝問秦囚公曰夫人請之吾舍之矣  
先軫怒曰武夫加而拘諸原婦人暫而免諸  
國墮軍實而長寇讎亡無日矣不顧而歸公  
使陽處父追之及諸河則在舟中矣釋左驂  
以八公命贈孟明孟明稽首曰君之惠不以墨  
臣墨鼓使歸就戮于秦寡君之以為戮死且  
不報若從君惠而免之三年將拜君賜秦伯  
素服郊次師而哭曰孤違蹇叔以辱二三  
子孤之罪也不替孟明孤之過也大夫何罪  
且吾不以晉掩大德公羊傳其謂之秦何  
夷狄之也曷為夷狄之秦伯將襲鄭百里子  
與蹇叔子諫曰千里而襲人未有不亡者也  
秦伯怒曰若爾爾之年者宰上之木拱矣爾曷

秦穆公過聽杞子  
得國之說而貪鄭晉  
襄公過聽先軫天奉  
之說而貪秦皆以義  
不勝於欲故也

知師出百里子與蹇叔子送其子而戒之曰  
爾即死必於殺之敵嚴是文王之所辟風雨  
者也吾將尸爾焉子揖師而行百里子與蹇  
叔子從其子而哭之秦伯怒曰爾曷為哭吾  
師對曰臣非敢哭君師哭臣之子也弦高者  
鄭商也遇之殺矯以鄭伯之命而犒師焉或  
曰往矣或曰反矣然而晉人與姜戎要之殺  
而擊之匹馬隻輪無反者其言及姜戎何姜  
戎微也稱八亦微者也何言乎姜戎之微先  
軫也或曰襄公親之襄公稱之則其無人何  
賤曷為賤君在乎殯而用師危不得葬也詐  
戰不日此何以日盡也穀梁傳不言戰而言  
取何也狄秦也其狄之何也秦越千里之險  
入虛國進不能守退敗其師徒亂人子女之  
教無男女之別秦之為狄自殺之戰始也秦  
伯將襲鄭百里子與蹇叔子諫曰千里而襲  
人未有不亡者也秦伯曰子之冢木已拱矣  
何知師行百里子與蹇叔子送其子而戒之

曰女死必於殺之嚴嶮之下我將尸女於是  
師行百里子與蹇叔子隨其子而哭之秦伯  
怒曰何為哭吾師也二子曰非敢哭師也哭  
吾子也我老矣彼不死則我死矣晉人與姜  
戎要而擊之殺四馬倚輪無反者晉人者晉  
子也其曰人何也微之也何為  
微之不正其釋殯而主乎戰也

○集解云先儒論書  
序非孔子所作○愚  
謂詩書二序固知非  
孔子所作而此三傳  
其說豈傳論之精而  
其意有不經歟不然  
必有說矣

**胡傳**按書序秦穆公伐鄭晉襄公帥師敗  
尼親筆其詞何以異乎書序專取穆公悔  
過自誓之言止於勸善其詞恕春秋備書  
秦晉無道用兵之失兼於懲惡其法嚴此  
所以異也晉襄親將絀不稱君者俯逼楚  
期忘親昔惠墨衰絰而即戎其惡甚矣視  
秦猶欲其罪云何客人之館而謀其生因  
人之信已而逞其詐利人之危而襲其國  
越人之境而不哀其喪叛盟失信以貪對  
民而棄其師狄道也夫杞子先軫之謀偷

○集解云人道立則  
父喪不可棄而即戎  
天理有則信不可棄  
而謀國

○升陘之役在二十  
二年  
○棄仲公子遂也

○集解云邾滅須句升陘之戰獲公仲故取須句反其君取訾婁報升陘之役故云有為  
已取須句復戰升陘至是又伐取訾婁而公子遂復伐再三矣

○僖公母成風須句  
國女魯之與邾以用  
兵皆為邾滅須句之  
故也  
○揚之水之詩是也

○林氏曰箕在太原  
陽邑縣南

見一時之利微俸其成自以為功者也  
君皆過聽焉而貪其利是使為人臣者懷  
利以事其君為人子者懷利以事其父君  
臣父子去仁義懷利以相與利之所在則  
從之矣何有於君父故一失則夷狄再失  
則禽獸而天倫滅矣春秋人晉子  
而伐秦所以立人道存天理也

○公伐邾取訾婁  
報梁傳曰葬  
○狄侵齊  
左傳

也  
○公伐邾取訾婁  
訾子斯反訾婁公  
秋公

子遂帥師伐邾  
左傳  
公伐邾取訾婁以報升  
陘之役邾人不設備秋襄仲

復伐  
新

**胡傳**按左氏公伐邾取訾婁報升陘之役  
邾人不設備襄仲復伐之此皆不勝  
忿欲報怨貪得恃強陵弱不義之兵也其

書其事而罪自見矣或曰取須句訾婁有  
為為之也伐邾至于再三念母勤矣夫念  
母者必當止乎禮義平王不撫其民而遠  
屯戍于毋家詩人刺之夫子錄焉僖公以  
成風之有功於已也越禮以尊其身違義  
以報其怨殘民動眾取  
人之邑曾是以為可乎

晉人敗狄于箕  
左傳狄伐晉及箕八月戊子

子先軫曰四夫逞志于君而無討敢不自誅  
平免胄入狄師死焉狄人歸其元面如生初  
曰季使過冀見冀缺釋其妻盥之敬相待如  
賓與之歸言諸文公曰敬德之聚也能敬必  
有德德以治民君請用之臣聞之出門如賓  
承事如祭仁之則也公曰其父有罪可乎對  
曰舜之罪也極矣其舉也與禹管敬仲桓之  
賊也實相以濟康誥曰父不慈子不祗兄不  
友弟不共不相及也詩曰采芣采芣無以下

○禮記云五者天子  
右立六宮陳氏曰六  
宮謂太寢一小寢五  
是也  
○玉藻篇陳氏曰視  
朝而見群臣所以通  
上下之情聽政而適  
路寢所以法可否請  
釋服釋朝服也  
○魯子魯人公羊子亦嘗受學者

體君取節焉可也文公以為下軍大夫又自  
箕襄公以三命命先且居將中軍以再命命  
先茅之縣賞胥臣曰舉卻缺子之功也以  
命命卻缺為卿復與  
○冬十月公如齊十有  
二月公至自齊○乙巳公薨于小寢  
公如齊  
朝且弔有狄師也反薨于小寢  
則安也穀梁傳小寢非正也

**胡傳**左氏曰即安也周制王宮六寢路寢  
聽政使人眠大夫退然後適小寢釋服是  
路寢治事之所也而小寢燕息之地也公  
羊以西宮為小寢曾子以諸侯有三宮則  
列國之制蓋降於王其以路寢為正則一  
爾君終不於路寢則非正矣曾子曰吾得  
正而斃又何求哉古人貴於得正  
乃如此凡此直書而義自見矣

○三桓者即孟孫叔  
孫季孫也以皆桓  
公之後故云

○此易屯卦九五爻  
辭程子曰威權去已  
而欲驟正之求凶之  
道魯昭公高貴卿公  
之事也故小貞則吉  
也小貞謂漸正之也

**隕霜不殺草李梅實**  
隕公作賈公羊傳何以  
書記異也何異爾不特  
也穀梁傳未可殺而殺舉重也可殺  
而不殺舉輕也實之為言猶實也

**胡傳**哀公問於仲尼曰春秋記隕霜不殺  
殺而不殺則李梅冬實天失其道草木猶  
干犯之而况君乎是故以天道言四時失  
其序則其施必悖無以統萬象矣以君道  
言五刑失其序則其權必喪無以服萬民  
矣哀公欲去三桓張公室問社於宰我宰  
我對以使我民戰栗蓋勸之斷也仲尼則曰  
成事不說既往不咎其自與哀公言乃以  
為可殺何也在聖人則能處變而不失其  
常在賢者必有小貞吉太貞凶之戒矣其  
論隕霜不殺草則李梅冬實蓋除惡於微  
慮患於早  
之意也



○范氏曰京房易傳曰君假與臣權隕霜不殺草陳者曰隕霜不殺草李梅實時君無政刑罰不中當殺不殺小人亂政之家蓋君德之致天道之應也

### 晉人陳人鄭人伐許

左傳晉陳鄭伐許許其貳於楚也

**附錄**

臣傳楚令尹子上侵陳蔡陳蔡成遂

伐鄭將納公子瑕門于桔扶之門瑕人斂而葬之汪外僕也龜之以獻文未楚子上救之與晉師夾泚而軍陽子患之使謂子上曰吾聞之文不犯順武不違敵子若欲戰則吾退舍于濟而陳遲速唯命不然紆我老師費財亦無益也乃駕以待子上欲涉太孫伯曰不可晉人無信半涉而薄我悔敗何及不如緝之乃退舍陽子宣言曰楚師遁矣遂歸楚師亦歸太子南臣謂子上曰受晉賂而釋之楚之取也罪莫大焉王殺子上○葬僖公緩作主非禮也凡君薨卒哭而祔祔而作主特祀於主烝嘗禘於廟

